

大乘修行菩薩行門諸經要集卷上 英四

唐終南山至相寺沙門釋智嚴譯

諸經集四十二部

凡菩薩行門總六十六條具列如後

第一

出象腋經

英四

顯說三條行

解修行菩薩行六波羅蜜空行

菩薩生入六道救度衆生故身受快樂

菩薩修行喻若虛空譬喻

爾時文殊師利童子白佛言世尊我有所疑
唯願如來爲衆解說佛告文殊師利童子言
恣汝所問我當爲汝解說其義令汝及衆歡
喜奉行

爾時文殊師利童子白佛言世尊修行菩薩
如何住於勝上妙法顯現一切菩薩行門而
能成熟無量衆生喻如滿月現於一切佛刹
爾時世尊歎文殊師利童子言善哉善哉文
殊師利汝以少問我今爲汝廣解所疑汝當
諦聽善思念之時文殊師利童子言唯然世

尊受教而聽佛言修行菩薩有六種相應法
善住於一切甚深法趣何者爲六所謂一者
若修行菩薩樂施無慍不見慍心與身有異
身與慍心俱無所得二者堅持戒行不見身
與非戒有異身與非戒俱無所得三者善住
忍辱守護自心不見自身瞋恚俱無所得四
者精勤善行不見自身與慢有異身與怠慢
俱無所得五者方便淨住禪定三昧不見自
身離於諸行亦不和合三昧定心一切法故
俱無所得六者正智於一切諸法無所得故

乃至不求涅槃不見自身與衆生身而爲有
異於六趣中見身無異故文殊師利當知修
行菩薩以此六種法故成就一切甚深法行
復次文殊師利修行菩薩復有六種相應法
行善入一切甚深法行何者爲六所謂一者
修行菩薩若生地獄受天快樂二者若生畜
生則受人間上妙快樂三者若生貧家則受
轉輪聖王快樂四者若生六趣各現本身端
嚴殊勝無能過者五者善巧方便遊歷十方
諸佛刹土無去無來安然不動於一切佛刹

示現其身六者以隨類音演說諸法而不雜
亂文殊師利當知修行菩薩以是六種法故
善得一切甚深法行

爾時文殊師利童子白佛言世尊如何修行
菩薩生於地獄而得受天快樂佛告文殊師
利童子言修行菩薩有三昧名摩訶鉢頭摩
得此三昧已爲諸衆生入於地獄受天快樂
是諸地獄人見其菩薩受地獄苦菩薩以福
力故與諸罪人普爲說法度脫無量百千衆
生文殊師利當知修行菩薩生於地獄而受

諸天快樂

復次文殊師利童子白佛言如何修行菩薩
生於畜生而受人間上妙快樂佛告文殊師
利童子言修行菩薩有三昧名遍寂靜得此
三昧已則生畜生不失其念仍受人間上妙
快樂以畜生身故與諸畜生解說佛法度脫
無量百千衆生文殊師利當知修行菩薩爲
衆生故生於畜生而受上妙人間快樂
文殊師利童子復白佛言世尊如何修行菩
薩生於貧里而受輪王快樂佛告文殊師利

童子言修行菩薩有三昧名離緣寂靜得此三昧已而生貧家與諸貧里衆生說法毀皆慳貪無戒讚揚布施持戒善因度脫無量百千衆生身受轉輪聖王快樂

文殊師利童子復白佛言如何修行菩薩於六趣中爲衆生故各隨其類現種種形受諸快樂皆得殊勝佛告文殊師利童子言修行菩薩有三昧名一切遍光明得此三昧力故遍生六趣方便示現雜類身形受諸快樂相貌殊勝

文殊師利童子復白佛言世尊如何修行菩薩善巧方便遊於一切佛刹無去無來安然不動如水中月現於一切佛刹爾時佛告文殊師利童子言修行菩薩有三昧名攝一切語言得此三昧力故分身現於十方諸佛刹土而無去無來安然不動現於佛刹見諸如來皆聞法要如是修行菩薩善巧方便遍歷一切諸佛刹土無去無來安然不動如水中月現諸佛刹

文殊師利童子復白佛言世尊如何修行善

薩於一切異類衆生隨其類音而爲說法是
諸言音而無雜亂佛告文殊師利童子言修
行菩薩有陀羅尼名阿難哆伐多得此陀羅
尼已修行菩薩則能了知無量無邊衆生心
各解其言語而無雜亂爾時文殊師利童子
白佛言世尊修行菩薩善巧方便甚難了知
世尊修行菩薩求於甚深法者親近何等法
行可知可識佛告文殊師利童子言若有修
行菩薩樂知是法義者喻若虛空爲對文殊
師利童子言如何虛空爲對佛言譬如虛空

無貪瞋癡文殊師利當知色等諸法亦復如
是無貪瞋癡不異涅槃相故復次譬如虛空
布施持戒忍辱精進禪定智慧皆無和合爲
無相故一切色等諸法亦復如是無所相應
施戒忍進定慧不異涅槃相故涅槃亦無和
合復次譬如虛空無棄無別文殊師利當知
色等諸法亦復如是無棄無別涅槃亦爾無
棄無別復次譬如虛空無知無習文殊師利
當知一切色等亦復如是無知無習涅槃亦
爾無知無習復次譬如虛空無明無闇色等

諸法亦復如是無明無闇涅槃亦爾無明無
闇復次譬如虛空於一切處無所執得當知
色等諸法亦復如是不可執得涅槃亦爾無
所執故復次譬如虛空無道所得無非道所
得色等諸法亦復如是無道所得無非道所
得涅槃亦爾無道無非道故復次譬如虛空
不學聲聞解脫緣覺解脫大乘解脫色等諸
法亦復如是一切乘處無所學故涅槃亦爾
無所學故復次譬如虛空無攀無受色等諸
法亦復如是無攀無受涅槃亦爾無攀無受

復次譬如虛空不取不捨色等諸法亦復如
是不取不捨涅槃亦爾不取不捨復次譬如
虛空無有體性無有濁亂是以一切衆生於
涅槃體性皆無濁亂涅槃亦爾無濁無亂復
次譬如虛空於一切處無著無動文殊師利
當知修行菩薩亦復如是當知一切衆生於
一切法無所著故涅槃亦爾無有所著若能
如是悟達正智當知執想諸法則是涅槃知
無常故文殊師利一切諸法既無實相若願
見佛身者不應如是若非所見則達正位達

正位者於中執相如是行施非大福田亦非利他如是施者不獲多福無所利益若有所施不求獲多福利者是名世間乞士於中所施福利無價既獲無價福利則得自無所得福智成就既獲自無所得福智成就已則能速得無生法忍

第二

出說妙法決定業障經

顯說三條行

解善惡知識不退菩提

解邪魔雖聞法誹謗以聞法故後當成

佛

解二十四種大乘名號

如是我聞一時佛在法界藏殿諸佛所會無邊道場與大比丘眾菩薩摩訶薩俱時此道場有一夫人名曰功德莊嚴開敷華合掌向佛退坐一面

爾時夫人白佛言若有初修行菩薩何等之人非善知識不應共住佛告夫人若三界中梵釋四王沙門婆羅門皆與修行菩薩為善

知識唯除聲聞非善知識恐聲聞退修行菩薩大乘道行何以故聲聞緣覺爲已利故勸引初修行菩薩回入小乘是以聲聞乘人非善知識夫人當知初修行菩薩不應與聲聞比丘同居房舍不同坐牀不同行路若初修行菩薩智慧彌廣無二分別悟大乘法而爲方便勸引聲聞令入大乘方許同住若聲聞比丘福智狹劣則修行菩薩不應爲說甚深大乘恐其誹謗復次修行菩薩不應數覽小乘經論何以故爲障佛道故夫人當知修行

菩薩寧捨身命不棄菩提而入聲聞求羅漢道菩薩勸請一切衆生已爾時若捨菩提之心別起異道入於聲聞羅漢道果因惱亂故菩薩而退菩提二人俱墮無間地獄佛告夫人修行菩薩寧犯殺等五種大罪不學須陀洹果不退菩提第四修行菩薩寧於一劫百劫乃至千劫受地獄苦不學斯陀含果不退菩提修行菩薩寧墮畜生不學阿那含果不退菩提修行菩薩寧殺害衆生墮於地獄不修阿羅漢果不退菩提羅漢獨證私入涅槃譬如

小賊竄入他舍修行菩薩菩提心故攝諸衆生寧同火坑不住聲聞寂滅涅槃不退菩提以是義故爲攝衆生令入佛道故如是修行菩薩一切世間天人阿修羅之所尊重堪任供養超越聲聞則邪魔眷屬無能燒惱

爾時夫人白佛言何者邪魔眷屬佛告夫人敷演大乘經典之處若有衆生聞說大乘心不樂聞調弄誹謗當知則是邪魔眷屬誹謗大乘經典心故死墮阿鼻受苦無量復生餓鬼食火屎尿無量劫中受苦畢已後生人中

盲聾瘡癰病癰不具此等衆生命終之後經無量生方得值遇如來親承供養於諸佛所還復得聞大乘經典純一無雜爾時如來於諸毛孔普出言音一一毛孔出無量億百千法光復生無量法音偈讚時此會中若有聲聞則聞聲聞乘法若有緣覺乘人則聞緣覺乘法若有大乘行人則聞大乘妙法鳥獸之類各隨其音而聞佛法於此會中所有衆生過去未曾耳聞佛法皆見如來默然不語其餘衆生過去曾謗大乘經故雖於多劫墮在

地獄餓鬼受苦由謗法時大乘入耳是故佛所親聞大乘心生歡喜而發無上菩提之心究竟成就阿耨多羅三藐三菩提

爾時夫人白佛言所說大乘何故名爲大乘何故說爲大乘佛告夫人善哉善哉夫人深

樂大乘以是義故善思念之當爲汝說大乘

名號所謂一者令人深樂是名大乘二者不動是名大乘三者無過是名大乘四者無量是名大乘五者如四大海是名大乘六者金翅及緊那羅摩睺羅伽雜類所敬是名大乘

七者輒聞所讚是名大乘八者諸天恭敬是名大乘九者梵天歸依是名大乘十者天帝所敬是名大乘十一者四王所攝是名大乘十二者龍王供養是名大乘十三者菩薩奉持是名大乘十四者成就佛性是名大乘十五者賢聖歸依是名大乘十六者一切普堪所受是名大乘十七者如藥樹王是名大乘十八者斷諸煩惱是名大乘十九者能轉法輪是名大乘二十者無言無說是名大乘二十一者如虛空相是名大乘二十二者三寶

種性無斷是名大乘二十三者鈍根衆生不信是名大乘二十四者超過一切是名大乘爾時佛說大乘威力名號之時此三千大千世界六種震動百千樂器不鼓自鳴則於空中諸天雨華無量百千天子皆發無上菩提之心無量百千聲聞皆發阿耨多羅三藐三菩提心復有初戒菩薩未悟法者皆已悟解爾時阿難白佛言世尊此法何名如何奉持佛言是經名爲大乘巨擘勝斯受持又名說妙法決定業障受持如來說此經已阿難及

功德莊嚴開敷華夫人及諸天龍八部皆大歡喜持受奉行

第三

出維摩詰所問經

顯說二條行

解佛種性因緣發起菩提

解出家因緣功德

爾時維摩詰長者白文殊師利菩薩言汝善明解如來種性於意云何何等爲種性文殊答言善男子是諸佛種性五陰種性無明生

死種性貪瞋癡種性四倒妄想種性五蓋種性六入種性七識煩惱種性八邪法種性九惱滅壞身心種性十惡不善種性善男子略要言之六十二見及一切煩惱皆是如來種性時維摩詰問言汝何義故云一切煩惱是佛種性文殊師利答言善男子若執見無爲已住定滅是人不應發得阿耨多羅三藐三菩提若菩薩住於煩惱住地見正位實相是人堪任發得菩提譬如陸地不生蓮華青淤泥中而生蓮華善男子亦復如是若聲聞緣

覺住於無爲滅定佛種華芽無復更生煩惱淤泥池中能發菩提因煩惱故佛種芽生善男子譬如空中種子不生糞壤之地乃能茂盛善男子亦復如是不應無爲滅定而生菩提若起我所非我所心等於須彌仍堪發生菩提而生佛種第四無量智慧善男子譬如不入四大海水無由取得無價寶珠善男子亦復如是若不入煩惱大海無由取得佛性寶珠當知菩提種性本從煩惱中來爾時長老摩訶迦葉歎文殊師利菩薩言誠

如所說真實不虛如是佛種皆是煩惱種性何以故我等聲聞無復堪任發生菩提我等為燒滅三界煩惱種子我等寧以無間五逆不應斷解世間煩惱何以故若人已造五逆惡罪受畢竟還復發生菩提之心親聞佛法顯現佛事若阿羅漢煩惱已盡無復後有無能發得阿耨多羅三藐三菩提譬如有人五根總壞是人識心不堪更起羅漢亦爾煩惱總壞諸結已除既無力故不堪扶持無上菩提以是義故凡夫親近於佛聲聞辟支遠

離菩提何以故凡夫數聞三寶威力無量種性則發菩提不斷阿耨多羅三藐三菩提心若聲聞緣覺雖曾聞說如來聖德十力無畏十八不共亦不堪任發得菩提

佛告羅睺羅汝詣維摩詰問疾羅睺羅白佛

其四

言世尊我不堪任詣彼問疾所以者何我念昔時輒舍離城有諸族姓子來詣我所稽首作禮而問我言唯羅睺羅汝佛之子捨轉輪王位出家為道其出家者有何等利時我與諸族姓如法為說出家功德因緣說此法時

維摩詰而來我所稽首我足而謂我言唯羅
睺羅汝今所說出家功德不應如是所以者
何夫出家者無利無功德是爲出家有爲法
者可說有利有功德夫出家者無爲法故無
爲法者無利無功德遠離一切諸行處於涅
槃智趣所受聖所行處降伏衆魔度五道淨
五眼定五根施無畏不惱於他不染雜惡摧
諸外道超越假名出離犯戒淤泥池中我所
無著無我所無所受亦無擾亂調伏身心攝
護他衆隨禪定離外過一切處而無所取若

能如是出家名爲善出家等於正法中宜共
出家善學律儀諸佛法教所以者何人身難
得佛世難逢無上菩提甚難發起爾時此等
諸子白維摩詰言我等聞佛所說若父母不
聽不得出家時維摩詰長者告諸童子言汝
等但發阿耨多羅三藐三菩提心常修梵行
是則出家功德
爾時此三十二族姓子皆發阿耨多羅三藐
三菩提心故我無言可答以是義故我不堪
任詣彼問疾

第四

出方廣如來智經

顯說二條行

解善惡知識菩薩不應聲聞同居

解修行菩薩與聲聞校量道行深淺

爾時佛告摩訶目犍連其四善男子十二當知善知識故教道諸法菩薩而成阿耨多羅三藐三菩提是以初修行菩薩不應學聲聞緣覺小乘教道何以故一切破戒邪行之人是菩薩善知識若聲聞緣覺障佛道故則非善知識何

以汝犯戒之人不堪破於菩薩正行是犯戒邪行之人法無力故不能障於菩薩佛道若聲聞緣覺以世諦無我復無煩惱以是智故能令初學菩薩入於聲聞教道當知聲聞非是菩薩善知識也修行菩薩寧與破戒邪行交通不與聲聞緣覺乘人受法何以故犯戒邪行雖共交通身相遠離若聲聞人行坐不離譬如家賊不離其側以是義故菩薩不應與聲聞人習學交往譬如野干不堪師子同居當知聲聞與其菩薩亦復如是何以故聲

聞修學唯利已故若修行菩薩專求佛道度脫眾生聲聞唯見一身趣路若菩薩善行正路導引眾生聲聞唯淨已心若菩薩能淨已心亦淨眾生聲聞唯自除煩惱若菩薩自除煩惱亦能除滅眾生煩惱聲聞入邪疾路獨避世間菩薩自入正路導引眾生聲聞唯除習氣煩惱菩薩成等正覺習氣都滅煩惱悉除聲聞異道入於涅槃菩薩自證正道無餘涅槃聲聞入於寂滅涅槃其法亦滅若菩薩成等正覺已入無餘涅槃法仍不滅十力無

畏十八不共四聖諦三十二相八十種好無量佛事神通不滅當知聲聞及辟支佛皆無是德

第五

出勝義諦品經

顯說二條行

修行菩薩起十種行願速成佛道

解修行菩薩十種戒行成就六波羅蜜爾時普賢菩薩語普智菩薩言佛子修行菩薩為求阿耨多羅三藐三菩提故應起十種

行願何者爲十所謂一者願度一切衆生二者令其遠離一切煩惱三者除滅相續習氣四者於一切佛法無所疑惑五者除救衆生一切苦聚六者願救衆生三途八難七者歸依親侍一切諸佛八者願學菩薩一切戒行九者昇於空中示現毛端無量佛事十者以大法鼓擊動一切佛利衆生聞者隨機速入無餘涅槃當知初學菩薩如是修行若住此地不久而起如來行願復次佛子修行菩薩復有十種戒行何者爲

十所謂一者究竟不退菩提是其戒行二者遠離聲聞辟支佛地三者常爲一切衆生身心利故四者令一切衆生住於佛行五者受持菩薩戒行無令缺犯六者開悟一切諸法七者所修功德回施十方願成佛道八者不應分別如來法體天四九者一切世法無所貪著十者防護六根無令染著佛子是修行菩薩十種戒行若菩薩能住此地不久圓滿戒行六波羅蜜成就無上菩提復次修行菩薩復有十種退道迷路應當速

離每自察心何者爲十所謂一者不敬師僧和尚及善知識是其迷路二者怖畏世苦是其迷路三者所修戒行忽生悔心是其迷路四者不樂住於諸佛刹土是其迷路五者不樂三摩鉢低是其迷路六者修少分功德便以爲足是其迷路七者誹謗大乘是其迷路八者遠離菩薩戒行是其迷路九者樂阿羅漢辟支佛道是其迷路十者若見修行菩薩心生憎嫉是其迷路佛子如是十種菩薩迷路能遠離不久當入解脫法門

復次修行菩薩應有十種行願何者爲十所謂一者願我爲諸衆生盡未來劫住於世間如是願者是普善願二者願我最後親侍供養一切諸佛如是願者是普善願三者願我令一切衆生住於普賢菩薩行願如是願者是普善願四者願我積集一切戒行功德如是願者是普善願五者願我普修六波羅蜜如是願者是普善願六者願我滿足菩提戒行如是願者是普善願七者願我莊嚴淨一切佛刹如是願者是普善願八者願我生於

十方佛刹如是願者是普善願九者願我深求一切佛法善自開解如是願者是普善願十者於諸佛刹成等正覺如是願者是普善願佛子當知是修行菩薩十種大願以願力故速獲菩薩具足行願

復次修行菩薩復有十種魔障何者爲十所謂一者忽生退心我不成佛是其魔障二者正起勤修忽然棄捨是其魔障三者少分功德而生厭足是其魔障四者樂住隱僻善行俱捨是其魔障五者棄捨一切善願是其魔

障六者捨斷煩惱樂修滅定是其魔障七者斷割世法是其魔障八者退捨菩薩道行是其魔障九者不樂勸化衆生是其魔障十者誹謗佛法是其魔障佛子當知是修行菩薩十種魔障若菩薩遠離是等不久速得如來十種記別地位

第六

出摩訶般若波羅蜜經中

顯說四條行

初修行菩薩初學檀波羅蜜發起菩提

心

解修行菩薩恐散亂菩提心故攝念六

波羅蜜行

解煩惱因緣

解修行菩薩初發菩提心持六波羅蜜

行

爾時聖者舍利弗語聖者富婁那言復次富
婁那修行菩薩應當初學檀波羅蜜何以故
貪惜世業無始習氣若修行菩薩捨施之時
慳心則捨因則能發菩提心若發菩提則能

漸漸增長成就若漸增長成就則漸遠離二
乘若漸遠離二乘則復昇進阿耨多羅三藐
三菩提譬如雨中安置瓦瓶是瓶所入第一
雨滴及最後滴非緣前後二滴水瓶得滿要
其中間雨滴漸入而得盈滿富婁那當知亦
復如是若修行菩薩不應以初發菩提心故
而成佛道亦不以最後菩提樹下而成佛道
以是義故初發菩提心故乃至最後於其中
間菩薩漸證佛道發起種種善行三阿僧祇
修行利益資助佛道是以仁者富婁那修行

菩薩不應散亂心無所染

爾時聖者富婁那語聖者舍利弗言修行菩薩如何攝心而無散亂舍利弗言菩薩助佛道故若發邪行惡見將爲善利當知我今所發惡行應是菩提利故何以故爲我是邪見不斷世間生死是以我身變易世間方便利益無量衆生以是義故修行菩薩如是智慧心無散亂

爾時富婁那語舍利弗言若菩薩菩提心亂如何相貌而得知耶舍利弗言此心散亂是

聲聞緣覺乘人障其道故若求二乘道果當知則是散亂心也何以故二乘道行不應菩提若修行菩薩貪瞋癡見尚不散亂何以故爲此三毒見助佛道故轉易生死利益菩提以是見故生於世間善巧方便圓滿六波羅蜜修行菩薩以資助煩惱故得阿耨多羅三藐三菩提富婁那當知若修行菩薩攝念心故而生障善當知則是散亂復有相應聲聞辟支佛攝念菩薩亦是散亂若非此等攝念不斷生死資助道故不應亂心何以故爲攝

念故修行菩薩在於世間以善巧方便攝念相續不斷生於世間生已則受檀波羅蜜持戒波羅蜜忍辱波羅蜜精進波羅蜜禪波羅蜜智慧波羅蜜修學如是攝念資助世間生死道故修行菩薩應當如是授學乃至成佛而無有捨富貴那當知修行菩薩不應厭離煩惱何以故以智識別煩惱作是思念是等煩惱饒益我身助我成佛若此煩惱有相可以上妙供養何以故為此煩惱故修行菩薩常所護惜煩惱以是義故應當以智識煩惱

因何以故為我善巧方便不攝三界繫縛令我增長圓滿六波羅蜜故速得菩提若六波羅蜜漸漸增長我則解脫世間生死繫縛而得寬慢富貴那當知譬如車載重物以車重故車軸漸漸研磨載物纔入到城其軸事畢則斷當知因煩惱故三界而有生死修行菩薩若煩惱故續續生於世間六波羅蜜則得增長圓滿若六波羅蜜漸得圓滿則生死煩惱漸得微薄若生死煩惱漸薄則能決定漸近佛位若修行菩薩坐菩提樹已則起薩婆

若智前後煩惱當則斷滅無復更生是諸煩惱所作已辦菩薩成正覺已煩惱無復有緣譬如車軸載重入城事畢然乃始斷修行菩薩若成阿耨多羅三藐三菩提已亦復如是煩惱事辦無復有緣是以當知為是利故中間不斷煩惱修行菩薩縱被瞋罵返從乞求所須皆是助道善緣發起菩提心故若攝羅漢心智亦是修行菩薩助佛道故若無羅漢行門如來從何制修羅漢道采以制修故而助佛道

爾時世尊於摩訶般若伽他所說譬如世間若樹木無芽則無樹身若無樹身枝葉華果無由盛茂當知眾生若無菩提芽種諸佛不現世間若佛不出於世聲聞從何而起譬如明燈要賴炷心而是炷心不因第一火焰而能燒盡亦非不因初焰而盡復非後焰燒滅而盡亦非因後焰而盡以是義故前後中間焰焰相續故炷心燒盡菩提亦爾非緣初心成佛亦非後心前後中間相續心故而能成佛何以故剎那剎那菩提心故而成佛道若

修行菩薩布施不著我相人相受者相心無
所求無慳悋心如是布施縱施少分等施無
量則是修行菩薩具足檀波羅蜜行

復次修行菩薩若恒念如來圓滿威神顯揚
聖德則是菩薩甚深戒行若菩提漸滅佛說
戒相則虧若修行菩薩順世法故雖受五欲
心念三歸是故願我成等正覺救度衆生此
則已住持戒波羅蜜行修行菩薩如是智慧
念心不犯不名犯戒若修行菩薩於億劫中
雖持十善戒行若樂聲聞阿羅漢果當知則

是增上纏犯虧於大乘是爲修行菩薩持戒
波羅蜜行

復次若修行菩薩發廣大心見諸衆生禁閉
牢獄枷鎖杻械拷楚鞭撻斬其頭項割截手
足耳鼻身分爾時菩薩念言願我代彼普受
諸苦令一切衆生皆得安樂若有惱我難忍
能忍心無惡對當知如是修行菩薩則是慈
忍波羅蜜行

復次修行菩薩願爲衆生樂住世間成熟衆
生清淨佛土苦行遍惱而無疲倦當知則是

菩薩精進波羅蜜行

復次修行菩薩若色聲香味觸五欲所纏不
樂聲聞羅漢道果專念菩提當知是人恒在
禪波羅蜜行

復次譬如商人復入大海船舶不預修商人

其四

二十

及財陷沒當盡若預修船寬廣牢固商人及
財皆達彼岸修行菩薩雖有道心若無堅牢
智慧不久退失菩提是以智慧波羅蜜成就
菩提無所缺陷速成阿耨多羅三藐三菩提
剎那一念無上菩提則是修行菩薩過於無

量二乘功德智慧波羅蜜行

第七

出華嚴經入法界品

顯說一條行

初修菩薩發菩提心故喻類聲聞無所

能及

善男子譬如師子獸王為諸獸故哮吼大聲
以其聲故師子初生子而得肥壯勇健跳梁
諸獸聞其大聲悉皆逃竄初修行菩薩喻若
師子初生子息菩提發吼菩薩亦復如是是

以如來薩婆若智爲初修行菩薩故乳讚佛性皆以如來善教引故菩薩而得智慧勇健菩提增長若諸衆生貪著煩惱而自損減譬如師子身筋造作箏弦其音若奏餘弦悉斷如來以波羅蜜成熟菩提起發心故若有讚歎五情俱斷二乘道行皆悉俱斷譬如以象牛雜乳成滿大池若以師子真乳一滴入池是諸雜乳悉皆流出不住同池菩提心乳亦復如是百千劫中積惡罪業以師子菩提心故罪障悉皆壞滅無餘二乘解脫與菩提種

性不堪同居善男子譬如迦陵頻伽猶在卵中若發聲音雪山大鳥聲不能及修行菩薩亦復如是生死卵中發大菩提心故所修功德大悲勢力若聲聞緣覺無能及者善男子譬如金翅鳥王其子初生目則明利飛則勁捷一切諸鳥雖久成長無能及者修行菩薩亦復如是發菩提心爲法王子智慧清淨大悲勇猛一切二乘雖已歷劫久修行皆不能及

第八

出寶髻所問經

顯說一條行

解修行菩薩一種持戒清淨行波羅蜜
爾時佛告寶髻菩薩言善男子何者是修行
菩薩持戒波羅蜜清淨行善男子修行菩薩
有一種持戒清淨行何者爲一所謂於無上
菩提而捨心復有是心若不相應事者而能
相應是心於三界中勝上爲最是心超越聲
聞緣覺是心能救一切度達三界衆生至於
彼岸是心能類無價寶珠而爲等量是心深

重護念無捨使無暫忘善男子當知修行菩
薩爲十種尸波羅蜜清淨行何者爲十所謂
三種身淨行四種口淨行三種意淨行是爲
十無盡清淨戒

第九

出演法師品經

顯說一條行

菩薩於諸刹土修學菩薩行門喻類聲

聞法教

爾時佛告舍利弗言舍利弗譬如有人自言

我能入大海至海底坐是人既見海已則於牛跡渦中動搖手脚自云我學拍浮他人告言汝自昔云我入大海取海底坐何故今日不入海中其人答言我先於此牛跡水中習學然後方入大海舍利弗於意云何是人所修邪正以不所擬作者善巧方便以不所執我入海底先於牛跡渦中習學舍利弗言不也世尊若人願入大海必須入海習浮佛告舍利弗亦復如是佛入涅槃後世有法主比丘比丘尼優婆塞優婆夷於是大乘經典信

心供養顯揚如來智慧聖德恭敬尊重既緣大乘深義智慧狹劣不達其底不解其義後時依止聲聞修習雜學阿含經論以名聞利養故與諸檀越交通若有比丘不習大乘經者隨順迤相諂曲心故勾引伴侶樂學聲聞三四牛跡水渦習學拍浮舍利弗以是義故若修行菩薩所將大乘經典而求佛智者是修行菩薩應學如來威儀集行若如來在於無智眾中不共交通亦不所受除施法外默然不語修行菩薩亦復如是如聞諸佛刹土諸大

菩薩摩訶薩見在住持百千善巧方便於諸
百千刹土習學教授億百千衆生令得神通
大力而得善行功德舍利弗修行菩薩應當
於諸刹土隨諸菩薩習學法行復應學彼威
儀行業禪定解脫三昧三摩鉢帝善巧方便
威神五通解脫故隨其修學然於空閑淨處
心念十方刹土諸大菩薩隨機方便不應樂
入聲聞智慧受持習學

第十

出決定毗尼經

顯說二條行

解聲聞行及修行菩薩如何授教戒行

律儀相應

又解三毒類定輕重

爾時聖者優波離從禪定起詣於佛所稽首
頂禮退坐一面而白佛言世尊我今向來宴
坐入定而有所思世尊先爲聲聞緣覺衆人
及初修大乘行菩薩爲其制戒清淨律儀如
來所說寧捨身命不得犯戒我於毗尼律藏
名爲上首今如來在世若復涅槃我當云何

教授戒律若聲聞緣覺乘人修持禁戒不令
缺犯復當云何教授初修大乘行菩薩修持
護戒世尊是以爲我廣說教跡我今密於佛
所聽聞授記我則以佛威神力故敢當自制
我若攝授禁斷律儀願佛慈悲爲我宣說云
何犯戒云何無犯世尊今此會中聲聞菩薩
無量衆集堪可表示

爾時優波離說此語已佛告優波離言汝爲
聲聞應機別說清淨戒行復爲初修大乘行
菩薩故善巧方便應機別說清淨戒行何以

故優波離若聲聞持戒當知戒行差別與初
修大乘菩薩戒相違背則非菩薩淨戒若初
修大乘菩薩持戒清淨則與聲聞戒行違背
不同非是淨戒所以者何若聲聞志願力故
乃至剎那不求世間生死亦無所樂亦無所
願是其聲聞清淨戒行若初修大乘行菩薩
志願力故願我無量劫時於此苦海救度衆
生心無疲倦是其初修大乘行菩薩清淨戒
行以是義故優波離當知各爲隨機當說禁
戒若爲初修大乘行菩薩說戒順於他心無

惱眾生若為聲聞說戒利己不順他心若為
初修大乘菩薩說戒寬容方便若為聲聞說
戒無所寬容禁戒嚴切若為初修大乘菩薩
說戒可以長遠無相所說若為聲聞說戒可
以嚴促執見有相為其所說優波離何故初
修大乘行菩薩兼順他意而令修學何以故
聲聞不順他意而令修學優波離當知初修
大乘行菩薩各各隨機引化眾生順他心故
無所惱故修持戒行若聲聞則非他心故修
持戒行何故初修大乘行菩薩戒行寬容無

美四

十五

犯何故聲聞禁戒窄狹嚴切優波離當知若
初修大乘行菩薩晨朝有犯應當結罪至午
若菩提心無間斷戒聚成就則非所犯若當
午時有犯至於黃昏菩提心無間斷戒積成
就則非所犯若黃昏有犯至於初夜菩提心
無間斷戒積成就則非所犯若初夜有犯至
於中夜菩提心無間斷戒積成就則非所犯
若中夜有犯至於後夜菩提心無間斷戒積
成就則非所犯優波離當知初修大乘行菩
薩戒行寬緩若有菩薩結罪有犯不應悔懼

永樂北藏

菩薩行門諸經要集

第一三二冊

復次若聲聞犯戒戒相則滅無復更全何以故若聲聞持戒除煩惱故如救頭然燒衣心速爲求寂滅涅槃堅持戒行云何初修大乘行菩薩長遠修行無相無著不離世間云何聲聞執相一生斷滅現前修學優波離若初修大乘行菩薩喻若恒河沙劫雖受五欲快樂菩提心無暫捨當知是菩薩戒行無缺何以故爲初修大乘行菩薩後時成熟菩提心故若在睡眠五欲尚無所染況在覺悟所以者何若初修大乘行菩薩不應一生總斷煩

惱若菩提成熟煩惱自滅若聲聞修習道行猶未成熟是等其心刹那不願更生世間是以一生迅速修行喻若救頭優波離當知初修大乘行菩薩長遠心無厭倦隨入修行應知聲聞一生暫時修學以是義故優波離汝若爲初修大乘行菩薩教授說戒寬遮順他第四意故長遠深邃教其修學若爲聲聞教授說戒不應順他亦無寬緩何以故初修大乘行菩薩爲大因緣修法器故而成阿耨多羅三藐三菩提菩薩不應厭懼世間願我無量長

速劫時為衆生故易生死苦是以如來不為修行菩薩而說出離三界生死苦海悔過因緣所以者何如來為修行菩薩故喜悅歡心為說甚深清淨因緣無過無纏無障空相如是與其言說若菩薩聞是說已樂住世間無有厭倦乃至成就阿耨多羅三藐三菩提爾時聖者優波離白佛言世尊說有三種三毒重罪或緣貪欲相應或緣瞋恚牽纏或為愚癡何者最重何者最輕願為初修大乘行菩薩說其輕重方便戒行

爾時佛告聖者優波離言若初修大乘行菩薩以恒河沙劫常犯貪欲種類罪故若信受大乘而生一念瞋心結罪重於貪欲何以故優波離若瞋心發動則能捨棄衆生若捨瞋貪欲心發則攝衆生菩薩而無厄難何以故優波離佛說若犯貪欲捨離稍慢其四犯罪稍輕若犯瞋恚解離稍速其七獲罪甚重若犯愚癡解離則速得罪稍深優波離當知三毒輕重如是修行菩薩應當守護善巧方便智慧心故無令缺犯

第十一

出遍清淨毗尼經

顯說二條行

解釋菩薩行及聲聞行各各如何調伏

其心類於二乘輕重

爾時寂淨天子白文殊師利童子言初修行
菩薩云何調伏其心若聲聞比丘云何調伏
其心文殊答言猒離三界心驚動故則是聲
聞調伏其心若攝授世間無量法故不斷生
死一切衆生而施無畏利衆生故樂住世間

則是修行菩薩調伏其心若猒離功德資糧
則是聲聞調伏其心若集智資糧功德無猒
則是修行菩薩調伏其心若猒見一切煩惱
則是聲聞調伏其心若攝一切衆生煩惱則
是修行菩薩調伏其心若不爲衆生故不念
諸佛聖德則是聲聞調伏其心若爲一切衆
生故顯現諸佛聖德則是修行菩薩調伏其
心若所修行業諸天不證則是聲聞調伏其
心若復所修業行三千大千世界諸天普證
知聞則是修行菩薩調伏其心若捨一切魔

軍則是聲聞調伏其心若三千大千世界所有魔軍令其發動菩薩而能摧伏則是修行菩薩調伏其心若不明自身心量則是聲聞調伏其心若明一切刹土諸佛如來聖德則是修行菩薩調伏其心若唯爲自身則是聲聞調伏其心若爲衆生故修習攝念一切諸佛聖德則是修行菩薩調伏其心若爲小乘解脫執速則是聲聞調伏其心若以利那智慧成熟菩提則是修行菩薩調伏其心若斷滅三寶種性則是聲聞調伏其心若修學三

英四

廿八

寶種性則是修行菩薩調伏其心若喻瓦瓶壞破無復更全則是聲聞調伏其心若喻金器破壞修持如舊則是修行菩薩調伏其心若以善巧方便不具則是聲聞調伏其心若善巧方便相應則是修行菩薩調伏其心若十力四無所畏不具則是聲聞調伏其心若以十力四無畏心相應則是修行菩薩調伏其心若避世間如避火坑則是聲聞調伏其心若樂住世間如遊園苑居住殿堂則是修行菩薩調伏其心若不具六波羅蜜并四攝

事則是聲聞調伏其心若修六波羅蜜并四攝事堅持攝念則是修行菩薩調伏其心若不斷一切宿緣習氣則是聲聞調伏其心若除相續一切習氣則是修行菩薩調伏其心略要言之若心著數量親近量法習學有量英四廿九戒行三昧智慧解脫解脫知見則是聲聞調伏其心若非量數以無量繫親近無量善巧方便所學戒行三昧智慧解脫復緣解脫所見則是修行菩薩調伏其心爾時如來告文殊師利菩薩言善哉善哉如

汝所說此是修行菩薩初入調心法行以何義故文殊師利聽我所說乃至解脫此調伏義多應成就圓滿故文殊師利譬如二人同居一處一人讚歎四大海水一人讚歎牛跡湍水文殊師利於意云何牛跡湍水堪讚多不文殊師利言是坑微淺況堪類於四大海水讚歎輕重佛言若聲聞調伏現相亦復如是譬如牛跡湍水自少不濟無所讚益當知小乘輕重若是其有一人所讚大海者文殊師利於意云何是人堪任讚大海不文殊師

利言大海功德海無量讚歎無量佛言修行
 菩薩亦復如是應現修行無量譬如大海不
 知滴量大乘功德亦復如是爾時說此法已
 一萬二千天子皆發阿耨多羅三藐三菩提
 心各發是言世尊我等從今修行菩薩行處
 而能修學願引一切衆生令入此道

大乘修行菩薩行門諸經要集卷上

音釋

些祖似切 咄丁可切 癩落蓋切 拏女加切 淤據依切
 舶音白海中也 渦烏禾切

永樂北藏

菩薩行門諸經要集

第一三一冊

大乘修行菩薩行門諸經要集卷中 英五

唐終南山至相寺沙門釋智嚴譯

第十二

出海慧菩薩所說經

顯說八條行

英五

解菩薩犯戒而能成就六波羅蜜

解般若波羅蜜深義校量聲聞輕重

解初發菩提心寶忍辱邪魔不退菩提

解身口意三業成就六波羅蜜

解成就觀行六波羅蜜念門

解八種功德與煩惱和雜喻

解四種善行門

解菩薩行門有十二種魔障行門鈞

爾時有一天子白文殊師利童子言文殊師利頗有初修行菩薩心懷慳慳而能成就檀波羅蜜不文殊師利言有是行人天子白言以何義故而有是人文殊師利言若修行菩薩成熟衆生不捨菩提故以不捨故則是慳慳以施成熟衆生心故則能成就檀波羅蜜復次天子白文殊師利言頗有修行菩薩若

當犯戒而得成就尸羅波羅蜜不文殊師利
言有是行人天子白言以何義故而有是人
文殊師利言修行菩薩攝護成熟諸衆生故
若不具戒而得成就尸羅波羅蜜

復次天子白文殊師利言頗有修行菩薩捨
於忍辱而得成就羼提波羅蜜不文殊師利
答言有是行人天子白言以何義故而有是
人文殊師利言若修行菩薩捨外道行專習
無上菩提法忍而得成就羼提波羅蜜
復次天子白文殊師利言頗有修行菩薩貢

高我慢而得成就精進波羅蜜不文殊師利
言有是行人天子白言以何義故而有是人
文殊師利言若修行菩薩不樂辟支阿羅漢
果故然爲顯揚薩婆若智故樂於大乘而無
怠心積集善念無上菩提而得成就毗梨耶

第五

波羅蜜

復次天子白文殊師利言頗有修行菩薩以
散亂心而得成就禪波羅蜜不文殊師利言
有是行人天子白言以何義故而有是人文
殊師利言若修行菩薩乃至睡眠不樂辟支

阿羅漢果專求無上菩提而得成就禪波羅蜜

復次天子白文殊師利言頗有修行菩薩愚癡無智而得成就般若波羅蜜不文殊師利言有是行人天子白言以何義故而有是人文殊師利言若修行菩薩智慧狹劣見於世俗厭魅呪詛起屍擾動驚亂他心而菩薩無有方便救護之智然為菩提心故攝念佛地而得成就般若波羅蜜爾時如來歎文殊師利菩薩言善哉善哉文

殊師利誠如所說汝能分別初修行菩薩應作不作修習行業真實不虛所以者何汝今聽我略說般若波羅蜜圓滿解脫文殊師利譬如有人一日之中忍受飢餓不啗毒食修行菩薩亦復如是寧守慳吝無持戒心瞋恚怠慢不攝念心不樂聲聞緣覺道行若心愛樂修六波羅蜜行則不應爾何以故是中菩薩應當有厄天子言世尊修行菩薩不應怖畏煩惱佛言修行菩薩實怖煩惱恐入聲聞地位天子於意云何譬如有人志存身命忽

被加害寧當截首寧截身耶天子言世尊若欲存命寧割身肉不截其頭何以故若存其首尚得修集功德善蹤以善蹤故生於天上若截其首善蹤俱滅佛告天子言修行菩薩亦復如是寧捨威儀戒行不退善提寧與煩惱相應不入聲聞斷煩惱門天子言世尊修行菩薩如是修行行業世間希有甚爲難信聲聞緣覺精進行業乃如修行菩薩犯戒佛言誠如所說譬如貧人家常飯食若轉輪王暫少嘗之如服毒藥若聲聞除滅煩惱堅固

精進類於修行菩薩戒行亦復如是復次譬如有人勤求生業莊飾一身其人不堪富饒一國況餘世間聲聞亦爾除已煩惱心故雖行精進不堪饒益閻浮衆生況餘世間復次譬如大富商主多諸眷屬親侍部從勤心好施而能饒益無量衆生天子當知修行菩薩亦復如是修習慈悲悲心精進是以饒益一切衆生勝義諦世俗諦廣施衆生快樂爾時長老摩訶迦葉白佛言世尊若聲聞修道證無爲果修行菩薩乃在有爲以何義故

修行菩薩能過無爲證果之人佛言迦葉當知爲汝說喻智者以喻而速開解譬如於四大海滿中盛酥而有人取一牛毛分爲百分以一分毛端取其一滴酥迦葉於意云何彼一分毛端一滴酥量多彼四大海中酥不迦葉言不也世尊佛言迦葉於意云何此二處酥何者最上最尊最多最貴迦葉言若以一毛端酥類大海酥過億百千是酥實爲最上最尊最多最貴其一滴酥不可爲比佛言迦葉譬如百分毛端所取得酥若聲聞於無爲

智慧類於佛智亦復如是修行菩薩修習有爲功德無爲行願普入佛智迦葉當知譬如蚊蟻之屬唯能取得一粒食味若復有人三月廣種田苗迦葉於意云何何者數多迦葉言三月所種若至秋收其數無量饒益衆生其一粒食未能利已況利衆生佛言迦葉當知譬如蚊蟻執一粒食聲聞亦爾若三月廣種收穫甚多修行菩薩於六波羅蜜并四攝事功德亦復如是若成熟已安立利益無量衆生勝義諦世俗諦普施快樂乃得成就無

上涅槃佛告迦葉譬如有一顆無價寶珠置於大海舟
般入城邑復有一顆無價寶珠置於大海舟
船之內若無障礙到閻浮提是珠普富閻浮
衆生饒益貧苦迦葉於意云何彼百千駄瑠
璃珠所有價直頗能過此一寶珠不迦葉言
不也世尊佛言彼諸瑠璃珠無所直故聲聞
修入無爲解脫亦復如是迦葉當知譬如無
價寶珠猶在海船若無障礙得到閻浮則能
普富一切衆生若修行菩薩三寶種性相續
無斷而能發起無上菩提喻得寶珠利益無

量爾時佛告海慧菩薩言云何初發菩提心
寶而能忍辱不退菩提云何菩提心寶而有
障礙海慧當知若修行菩薩已發菩提心故
逢惡知識或魔波旬或魔眷屬或事邪魔或
住魔行被其燒惱劫奪善心修行菩薩心有
疑惑是等邪魔來惱菩薩菩薩爾時心無退
散復不離隔無上菩提亦不斷絕衆生解脫
以大悲故精進修習亦不斷絕三寶種性亦
不斷絕一切佛行亦不斷絕如來三十二相
八十種好次第修行願習功德資糧顯現清

淨諸佛刹土護持善法修習學故乃捨身命
成熟衆生不樂染著世間快樂若修行菩薩
爲衆生故大悲忍辱其心堅固被他輕賤罵
辱不可言說苦楚打棒皆能忍受衆生重擔
而能荷負不潛不縮精勤不退其心勇猛至
於彼岸亦不疲倦修持精進起方便心專心
堅固他若惱者自不惱他有人打罵自不瞋
他大乘義故世間殊別是心正念籌量善路
爲衆生故順三界行我今勤求逆行三界衆
生違順我故我應與其相應和合是等衆生

瞋心勇猛我求忍辱心懷隨順世間衆生遊
相誑惑我今唯念智慧圓滿若有十方衆生
來集各持兵器刀劍槍稍隨我而行各懷是
心此修行菩薩若行若立若坐若卧若發苦
提心時若發施心若發持戒心若發忍辱心
若發精進心若發禪定心若發智慧心若發
第五
習學經典心若發修持功德心修行菩薩念
此心時我等則當斬斷其首細截身分大如
葉葉是等衆生專懷忿怒志在煞人爾時修
行菩薩專心自念我今於他無嫌怨心我以

忍辱而無憊惡以何義故我今是身從無始
三界已來無邊數量轉易生死無不經歷經
於地獄餓鬼畜生受苦無量或生人中五欲
貪故而無暫捨或聞非法隨順他心以是因
緣枉失身命被解肢節百段分張如是苦時
彼此想無所益今既截我身分斷我命根若
能盡未來劫不休我常不捨無上菩提以何
義故我今所受割截肢體苦楚難忍比於地
獄苦過此百倍願我入於地獄不捨菩提以
大慈悲度衆生故何以故如來所說少分心

量能成大事今世間衆生惡友甚多善友甚
少當知不應惡友爲侶所以者何我與衆生
而無怨惡不生恨心他有與人我有與他他
唯與人瞋嫉我唯慈忍與他我今應現不殺
忍力不生瞋力若能捨身命則速得菩提無
礙於身五欲貪愛所染命斷悉已自除瞋心
若起當捨覺除若能入是法門當知如是修
行菩薩則能忍受一切衆生惱亂不共衆生
斷絕常能忍辱三種苦惱何者爲三所謂一
者身惱忍二者口惱忍三者意惱忍

復次何者惱亂身忍若被割身而能忍受唯
心世法觀念衆生被割身者若修行菩薩智
慧方便正割體時觀念六波羅蜜如是觀心
捨身命財施身命故不憝身故則能成就檀
波羅蜜行若當被害悲心普遍雖有楚痛心
無散亂則能成就持戒波羅蜜行若被割身
分之時願度此人忍受無恨則能成就忍辱
波羅蜜行若以堅固精進不捨菩提心故不
厭世間修諸功德則能成就精進波羅蜜行
若割身分之時應當攝念是身猶如草木瓦

石影壁如幻無常無我須臾壞滅如是觀已
則能成就智慧波羅蜜行海慧當知若修行
菩薩如是善巧方便則能圓滿六波羅蜜行
不退菩提則是菩薩成就身忍辱行

復次何者是修行菩薩口惱忍辱若修行菩
薩被罵不可言說一切鬭諍瞋忿嫌賤打棒
邪直不可所言聞他惡口不起瞋怨皆能忍
受則是菩薩成就口忍辱行

復次云何修行菩薩惱亂意忍若修行菩薩
善巧方便智慧相應被人毀訾罵辱瞋責不

可言說菩薩聞已意能忍辱則是修行菩薩
成就意忍辱行

復次海慧如何修行菩薩善巧方便智慧圓
滿而能成就六波羅蜜觀行念門若修行菩
薩聞他被罵難聞難忍惡口瞋責不可言說
菩薩應當觀念是人今罵我之人應是過去
慳悋嫉妬不遇良緣不授習學不曾供養三
寶今者罵我我今應當除其煩惱瞋恚怒心
我今可捨怨惡嫉心無所貪惜求善知識修
學善路親侍善人禁慎口過則能成就檀波

羅蜜

復次修行菩薩應作是念是人犯戒不識罪
咎我已受戒不應瞋動一心念佛觀受罪報
則能成就持戒波羅蜜

復次修行菩薩應作是念是人習性多瞋惡
故是以罵我我今無怨慈心相向則能成就
忍辱波羅蜜

復次修行菩薩應作是念是不具善行是
以罵我我今自當策勵身心一心正念不忘
菩提此等惡人利益我故結大因緣未調伏

者當令調伏未念善者令其念善未息惡者
令其息惡如是心念則能成就禪波羅蜜
復次修行菩薩應作是念是人自在無智執
見有相我相衆生相貪受財相是以罵我我
今如法自念是中有誰罵者是誰與受俱無
既無自他則能除滅一切法相邪行無怨能
忍則得成就般若波羅蜜
佛告海慧菩薩若修行菩薩具智慧故聞他
惡口罵詈毀辱不堪聞說菩薩乃能安忍受
故行願圓滿成就波羅蜜定不離大乘則能

成就口惱忍辱

爾時海慧菩薩言何者是修行菩薩被惱意
忍一切魔障令其菩薩遠離菩提勸生退心
一切外道貪利養故修習邪行令其菩薩遠
離菩提菩薩已悟正行心無散亂不離菩提
縱爲化現佛身其心無所退動復有大力邪
魔訶責菩薩令生邪念語菩薩言汝非有力
能習大乘終不成佛速棄重擔捨此精進菩
提難得如來聖德亦復難求世間無量難忍
苦惱已入涅槃者現受快樂汝大丈夫宜亦

速入涅槃海慧當知修行菩薩正被勸退菩提之時菩薩不遂他心不捨正念菩薩作是念言我定當坐菩提樹下定當摧伏邪魔軍衆定當成等正覺轉大法輪於三千大千世界敷演佛法我已勸請一切衆生令成正覺普願於我受淨法施若一切諸佛他心賢聖知我誠心菩提行願我今以此菩提心故於身忍辱不敢誑惑諸佛賢聖及一切衆生乃至自身如是修行菩薩攝心忍受不退大乘不斷菩提心寶海慧當知如是發起菩提心

寶既能發起忍辱波羅蜜復能不退精進波羅蜜圓滿二行則是菩薩忍辱意惱爾時海慧菩薩白佛言世尊何者是世間相續功德與煩惱和雜而能成熟我等衆生以何義故名爲相續世間功德與煩惱和雜佛言有八種世間相續功德與煩惱和雜何者爲八所謂一者修行菩薩功德資糧無厭二者樂受世間生死三者願值諸佛如來四者願成熟衆生無倦五者守護佛法修行習學六者勤心攝授衆生善行七者深樂佛法不

捨菩提八者繫著波羅蜜行而無捨心海慧
當知世間相續功德和雜煩惱修行如是而
此修行菩薩惡見煩惱無所染著

爾時海慧菩薩白佛言是諸功德云何煩惱
和雜佛言當知所立三界皆因煩惱成就其
修行菩薩以善巧方便功德力故願住世間
救度衆生恒在三界攝受煩惱菩薩不爲自
身動亂染故以是義故功德和雜煩惱
爾時舍利弗白佛言世尊如是無量菩薩行
願依佛如來不可思議智慧方便甚希難有

世尊又見初修行菩薩如來智故隨諸衆生
修行無量種種行業甚難甚難不可聞說若
修行菩薩如是難行難忍不驚不懼其事更
難時舍利弗說是語已佛告舍利弗言舍利
弗於汝意云何如師子兒聞父哮吼有驚怖
不舍利弗言不也世尊佛言舍利弗當知修
行菩薩若聞菩提師子吼聲不驚不懼若聞
衆生種種異類無量行業亦不驚不動舍利
弗如微小火不懼一切草木叢林亦不作是
念我無力燒世間草木修行菩薩亦復如是

以少慧火救諸衆生不懼一切煩惱亦不作
念我不堪任除滅衆生世間煩惱何以故若
明識一切衆生煩惱而此煩惱則助慧炬佛
告舍利弗譬如世間一切草木枝葉根莖各
相謂言却後七日一切草木宜共火戰各取
爲勝爾時此諸草木積聚柴草高如須彌有
告火言柴草積集高若須彌汝火何不集力
必被柴草所勝火云我不集衆何以故草木
是我朋友若草木多我則有力若草木少我
當則滅舍利弗修行菩薩亦復如是以衆生

無量煩惱故而能熾然智慧火炬修行菩薩
漸漸力强若明識煩惱義已然持煩惱爲智
慧炬若修行菩薩不樂煩惱而有捨棄便墮
聲聞緣覺之地舍利弗當知若修行菩薩正
念觀察一切煩惱修行菩薩漸則力强聞是
語已不驚不動當知菩薩善巧方便智慧成
就
復次修行菩薩有四種相應善行何者爲四
所謂一者精進修習六波羅蜜二者以大悲
心成熟衆生三者堅持功德成就圓滿四者

無量劫時守護三界亦無疲倦積集一切功德資糧若修行菩薩能成如是四種功德則爲決定菩薩行業

爾時佛告海慧菩薩言善男子汝識邪魔波旬央俱賒鉤不海慧菩薩言世尊我識知是邪魔障鉤佛言汝今願聞邪魔障鉤解脫義不海慧菩薩言願樂欲聞佛言若有菩薩聞是義已則得解脫邪魔障鉤而能摧伏一切魔軍速成阿耨多羅三藐三菩提爾時海慧菩薩白佛言我等今者以佛威神欲說十二

種邪魔央俱賒鉤初修行菩薩道故何者十二所謂一者若修行菩薩修檀波羅蜜所愛之物而生憍心不愛之物方能捨施若有親識意樂施與若非親識心無捨施者受者俱生分別世尊此是修行菩薩第一障布施魔鉤

復次世尊若修行菩薩善行精進堅持戒行威儀具足少分所犯則見聞其罪身心清淨平等習戒若見精進比丘及婆羅門而生供養共其習學若見犯戒則生瞋心嫌恨惡賤

所修行業自讚毀他世尊此是修行菩薩第二障持戒魔鉤

復次世尊若修行菩薩身忍口忍意心不忍返生瞋恚若見倚世豪族則為顯揚其德為其忍受若見卑下庶類則生瞋恨而無忍心十六雖暫忍定心懷高慢瞋恚無捨世尊此是修行菩薩第三障忍辱魔鉤

復次世尊若修行菩薩動心習學而化衆生令入聲聞緣覺乘中不教大乘而讚聲聞辟支佛地專習俗諦捨棄勝義諦法門掩覆大

乘專修世俗名利幢幡音樂華香供養尊容以求聲譽不覽大乘不求佛法世尊此是修行菩薩第四障精進魔鉤

復次世尊若修行菩薩起四禪定三摩鉢低宴坐寂然成就禪定而被毀訾成熟衆生處毀訾說佛法處毀訾衆生同居處毀訾善行有為功德處不動無為法少分修習不求禪定返見欲界及無色界樂無色天以鈍心故願壽長遠若生無想天上百千般佛成等正覺是人無由值遇諸佛不聞佛法不值僧徒

不能成就衆生亦不值受如來妙法不值積
集功德資糧而無智慧愚癡怠慢若無想天
壽生畢已下生之處少智尪弱世尊此是修
行菩薩第五障禪定魔鉤

復次世尊若修行菩薩智慧彌廣別識習性
知因緣起所有不立不行不住而乃毀咎有
爲功德遂失善巧方便智慧若布施持戒忍
辱精進禪定俱不修習唯讚般若波羅蜜自
言般若最勝於五波羅蜜心生分別以四攝
事不攝衆生心常無相無爲將爲最妙是人

未熟智故却墮邪路世尊此是修行菩薩第
六障般若魔鉤

復次世尊若修行菩薩修阿蘭若行樂住寂
靜獨處山林無所樂著迥無儲積不居道俗
少用功智不動安然亦不習學深義亦不成
熟衆生亦不聽聞佛法亦不校量趣路若有
講深義處亦不往就聽聞亦不求問深教亦
不尋善知識以其樂住阿蘭若志存煩惱不
動若不開剥煩惱種子乃至八聖道路是修
行菩薩雖在獨住不利他已世尊此是修行

菩薩第七障阿蘭若魔鉤

復次世尊若修行菩薩說法深邃美言悅豫威德攝眾苦有眾生堪與授法不為授說若見鈍根愚癡不堪教授則為顯示佛法世尊此是修行菩薩第八障歸依法海魔鉤

復次世尊若修行菩薩習學世間外道䟽論捨棄大乘深義讚揚外道所說若見有人明閑外論樂說聽聞稱美為德是時會中有諸天眾心樂聽聞大乘法故來赴道場既聞所說外道䟽論心生懊惱而還本宮發如是言

此善男子今已滅法如來善教如是修行菩薩於法棟梁何故翻教世間外論樂戲論故棄捨大乘何以故諸佛如來為甚深法故成等正覺不因世俗外道戲論成就菩提世尊是等修行菩薩學說外道種種言論而乃覆

洪五

十五

藏如來佛法如是之人於佛法化成等正覺專行斷滅世尊此是修行菩薩第九障覆蓋甚深佛法讚揚外道戲論魔鉤

復次世尊若修行菩薩逐惡伴侶為善知識共結朋友而是惡友專令菩薩棄捨眾生不

令成熟亦復不令扶護佛法教住空寂少功力處數爲教授聲聞法行若有大乘相應深義不爲宣傳若修行菩薩習大乘故住寂靜處欲進菩提惡友爲障令其菩薩攀緣世間而謂之言修行菩薩合攀緣世間俗法若應教習世法他則令住寂靜爲現令悟入於他位不爲顯示菩薩決定無上行門世尊何者是菩薩決定無上行門有其十種何者爲十所謂一者依住信根受善知識教故二者精求妙法如救頭然三者於善法教樂住正念

常勤修學四者正勤精進已作法者其心不捨五者不樂自樂唯願成熟衆生六者爲求法故不惜身命七者三十二相八十種好淨佛刹土修諸功德資糧無厭八者總持威德圓滿成就九者一切凡俗世位心無染故修習摩訶般若波羅蜜行十者過一切聲聞緣覺位地善巧方便智慧超進世尊是爲十種決定無上菩薩行業修行菩薩應當習學是諸惡友不爲顯示善事翻令障道謂菩薩言汝若勤苦修行然可成佛不可怠慢心故得

成佛道汝若八劫乃至十劫不成菩提更無
可求阿耨多羅三藐三菩提世尊修行菩薩
若行精進被他障道令退入聲聞果位此是
修行菩薩第十障非善知識魔鉤

復次世尊若修行菩薩貢高我慢以貢高故

第五

十六

心不下故於諸師僧和尚威儀羯磨門徒檀
越乃至父母心無摧伏若見修行菩薩已起
菩薩行門悟達善行已得總持威儀圓滿不
願親近不共習學善教亦不尋求請問若見
冒修大乘行人已被魔鉤鉤著其心以是義

故是人翻修邪行愛樂邪伴專行邪路退失
菩提如癡母羊無步前進譬如有人於亢旱
時高原陸地種贍部樹復不溉灌縱有流渠
堰塞令斷是人雖種不溉不生世尊修行菩
薩亦復如是先發菩提後生貢高我慢心故
退失善知識教不聞佛法已聞受者更不修
治譬如海水波浪不動地勢窪下水能深厚
所有江河泉源湊流就下世尊修行菩薩亦
復如是於師僧父母心爲界下用少功力獲
大深法隨所記念法入心耳若貢高我慢不

伏師僧父母當知是人已被魔鉤之所鉤著
世尊此是修行菩薩第十一障貢高魔鉤
復次世尊若修行菩薩形貌端嚴衆所欽仰
富饒高族部從眷屬倉庫珍寶其數無量以
其端嚴衆所觀美富饒高族部從衆多功德
資糧貴敬遵崇是菩薩不求集智資糧以自
威嚴富豪力故醉心怠慢不見正路若見出
家初修菩薩戒人已出塵勞精勤修習集智
資糧智慧力故爲法精誠宴坐風日血肉乾
焦露骨羸瘦晨昏修習如救頭然是貢高修

第五

十七

行菩薩若見如是行人而生嫌賤不共爲伴
不隨受教其心愚昧闇鈍無智世尊此是修
行菩薩第十二障我心所醉魔鉤爾時菩薩
言世尊是爲修行菩薩十二種魔障央俱賒
鉤令其修行菩薩障道若修行菩薩不覺不
知不離不遠如是無明尚不堪習隨逐菩薩
幼童行業況能得成阿耨多羅三藐三菩提
是以初修行菩薩應當精勤攝心自覺超過
邪魔十二障鉤

第十三

出戲樂嚴經

顯說一條行

解善巧方便施五欲樂故勸化一切衆
生令發無上菩提

爾時長老須菩提告夫人曰善女人汝之夫
婿今在何處夫人答言須菩提當知我今非
唯一夫何以故世間衆生五欲所纏戲樂習
故皆是我夫須菩提言何者是善巧方便隨
意戲樂夫人答言須菩提當知若有衆生貪
求五欲我當則以資助奉施然則勸化令發

菩提若有衆生欲心熾盛我當回施恣情戲
樂是以名爲善巧方便隨意戲樂須菩提言
如來不許衆生耽欲夫人答言汝聞如來經
中所說若有比丘受持袈裟錫杖卧具病緣
雜藥什物之屬不應多畜是其童子及諸檀
越就於聚落所得上妙供具供養師僧和尚
同居僧徒隨所樂受若因此一物惡行滅除
而得長道以是義故如來許其比丘受畜是
物須菩提言誠如所說真實不虛夫人言一
切五欲耽著戲樂如來以是方便若有利故

亦許不遮須菩提言善女人幾何衆生因是善巧方便受諸戲樂成熟無上菩提夫人答言若三千大千世界虛空所有星辰數量至於邊際尚知其數若與我善巧方便受世戲樂調伏勸化故皆發無上菩提是等衆生其數多於虛空星數須菩提言善女人汝何能得令諸衆生而獲安樂夫人答言須菩提當知有諸衆生樂事梵天我以四禪喜樂隨意奉施然後勸令發菩提心復有衆生樂事帝釋我當奉以帝釋快樂然後勸令發菩提心

復有衆生樂於諸天龍王夜叉修羅乾闥及金翅鳥諸雜大蛇皆以戲樂我當各隨所樂施奉無闕然後勸令發菩提心復有衆生意樂轉輪聖王遊戲乃至大臣國邑聚落族姓之子及婆羅門中部下庶如是衆生各隨意樂悉皆施與不令闕乏然後勸令發菩提心英五復有衆生樂於色聲香味觸法復有衆生意所貪著花鬘瓔珞塗香末香衣服繒絲以爲嚴飾復有衆生貪著錢財金銀珠玉玻瓈碼碯鼓樂絃歌如是衆生意所樂者五欲戲樂

皆當施與然後勸令發菩提心須菩提言善女人當知是諸五欲障八聖道涅槃趣路善無所得是等五欲正受之時亦有衆生以是緣故於善調伏勸入菩提此義次第甚爲難思善女人以大菩薩修行甚難之事令是修行菩薩成就善事當知甚難何以故如是等事皆是衆生障道一種之事亦有諸類衆生還復因調伏而得入善

爾時精舍演法會中有二長者子曾與夫人交遊善巧方便隨意戲樂故勸入無上菩提

是時此二長者子白須菩提言須菩提勿以自智簡擇他智須菩提於意云何若有少分油燈堪以口吹手扇而能滅不須菩提言甚堪吹滅長者子言若聲聞行善男子善女人以少智慧明故以一遊戲智故而能則滅亦無復更堪集諸菩薩會中清淨位地

第十六

出如來藏經

顯說一條行

觀念如來忍辱因果

爾時佛告摩訶迦葉言譬如有人倒地若還
拓地而得起立迦葉當知亦復如是若於佛
法中傾倒直墮無間地獄若拓如來聖德從
地獄中還復得起何者倚拓如來若能一心
念佛聖德依教修行爾時摩訶迦葉白佛言
縱無淨心觀察如來尚自獲大利益況以淨
心觀察如來其福無量佛言誠如所說但種
種意行觀察如來皆當爲說趣涅槃路爾時
摩訶迦葉言我今解如來所教寧於佛法犯
罪不事外道惡行修學以何義故若於如來

法中行非法罪所起惡行皆因涅槃能滅若
事外道所起惡行皆入地獄餓鬼畜生受諸
惡報佛言誠如所說迦葉當知譬如有人罵
詈紫檀香木槌打而擲於地毀訾不堪受用
迦葉於意云何此紫檀香氣更能熏是罵人
以不迦葉言其紫檀香氣熏彼罵人如本無
異佛言迦葉當知若有衆生專念如來若見
如來若聞佛名是等衆生皆得資熏解脫法
門亦復如是

第十七

顯說一條行

為修行菩薩習學聲聞行故犯重障因
爾時佛告無上慧菩薩言善男子若有比丘
修菩薩行而犯眾重以善巧方便而能滅除
以是義故我今為說不犯因緣爾時無上慧
菩薩白佛言世尊修行菩薩如何所犯佛言^{卷五}
善男子若修行菩薩修習聲聞法行縱使百
千劫中服諸藥草根莖花果及能忍諸眾生
善惡言氣以於聲聞緣覺行中修習定故此
是修行菩薩重大所犯善男子譬如聲聞犯

四重已是五陰現身無復堪任入得涅槃善
男子亦復如是若修行菩薩不捨聲聞不懺
其罪於時修行菩薩無復堪任成等正覺無
能入於佛地無餘涅槃

第十五

出勝積經

顯說一條行

說修行菩薩退入聲聞行中

復次善男子譬如有人患眼經過一月以藥
醫療眼漸開見然有瞽人以畢鉢末而撲眼

中是人眼光盲闇如舊若修行菩薩修大乘時退入聲聞其根闇鈍譬如無智之人以白旃檀末和青淤泥塗於身體是其白檀和惡氣故其檀本香無復更聞修行菩薩亦復如是以習聲聞行故汙染功德資糧難遭佛行無復更堪集諸菩薩會中清淨位地

第十六

出如來藏經

顯說一條行

觀念如來忍辱因果

永樂北藏

菩薩行門諸經要集

第一三二冊

爾時佛告摩訶迦葉言譬如有人倒地若還拓地而得起立迦葉當知亦復如是若於佛法中傾倒直墮無間地獄若拓如來聖德從地獄中還復得起何者倚拓如來若能一心念佛聖德依教修行爾時摩訶迦葉白佛言縱無淨心觀察如來尚自獲大利益況以淨心觀察如來其福無量佛言誠如所說但種種意行觀察如來皆當為說趣涅槃路爾時摩訶迦葉言我今解如來所教寧於佛法犯罪不事外道惡行修學以何義故若於如來

法中行非法罪所起惡行皆因涅槃能滅若
事外道所起惡行皆入地獄餓鬼畜生受諸
惡報佛言誠如所說迦葉當知譬如有人罵
詈紫檀香木槌打而擲於地毀訾不堪受用
迦葉於意云何此紫檀香氣更能熏是罵人
以不迦葉言其紫檀香氣熏彼罵人如本無
異佛言迦葉當知若有眾生專念如來若見
如來若聞佛名是等眾生皆得資熏解脫法
門亦復如是

第十七

出金光上勝毗尼經

顯說一條行

為金光勝童女十種行願請出家因緣
爾時文殊師利童子語金光勝童女言汝如
何應聽佛法童女言樂聞法故聽法如來所
說修行爾時此童女以文殊師利菩薩威神
兼自善根智慧功德力故於其會中相續說
法因其一萬二千眾生而發阿耨多羅三藐
三菩提心復有五百天人先於菩薩藏中修
習善根於時是等菩薩發悟無生法門又有

三萬二千天人遠離煩惱棄除塵垢於法眼
淨是時童女說法之際以其喜悅心故人隨
順深悟解脫法門既悟法已則於文殊師利
菩薩前五體投地願請出家伏願文殊師利
以大慈悲聽聞法故我願是生得預緇服文
殊師利菩薩言童女當知若修行菩薩自樂
出家割截身髮不應如是出家何以故先為
一切衆生割截煩惱令其精進此則名為菩
薩出家若修行菩薩自樂出家以湯染色修
造衣服袈裟卧具不應如是出家何以故先

除一切衆生貪瞋癡色湯令其精進此則名
為菩薩出家若修行菩薩自樂出家受具足
戒不應如是出家何以故若見犯戒衆生今
其攝行斷惡修善此則名為菩薩出家若修
行菩薩自樂出家獨住寂靜不應如是出家
何以故菩薩先除五趣衆生愚癡令住智慧
此則名為菩薩出家若修行菩薩自樂出家
住威儀相不應如是出家何以故先為衆生
發大慈大悲喜捨之心此則名為菩薩出家
若修行菩薩自樂出家則修精進善根功德

不應如是出家何以故勸化衆生發起善根
令修功德此則名爲菩薩出家若修行菩薩
自樂出家意求涅槃不應如是出家何以故
先爲一切衆生堅心爲求涅槃趣路此則名
爲菩薩出家若修行菩薩自樂出家除已煩
惱不應如是出家何以故先爲一切衆生勤
求精進除他煩惱此則名爲菩薩出家若修
行菩薩自樂出家願悟身心不應如是出家
何以故先用成熟諸衆生故令悟身心此則
名爲菩薩出家若修行菩薩自樂出家解脫

已厄不應如是出家何以故先救衆生厄難
令得解脫此則名爲菩薩出家若修行菩薩
自樂出家厭離煩惱不應如是出家何以故
先爲成熟一切衆生樂住世間此則名爲菩
薩出家若修行菩薩自樂出家願入涅槃不
應如是出家何以故先爲圓滿如來一切善
根功德此則名爲菩薩出家復願一切衆生
速得出家是名出家復能不見衆生過失是
名出家復捨一切過患除滅衆罪是名出家
夫出家者繫心屬他若修行菩薩則非所屬

童女言何故出家名爲屬他文殊師利菩薩
言凡出家者當屬禁戒守護無犯是名屬他
凡出家者屬禪定故不應散亂是名屬他凡
出家者屬智慧不應愚癡是名屬他復屬解
脫是名屬他不應繫縛是名屬他童女言文
殊師利如何修行菩薩則非屬他文殊師利
菩薩言若修行菩薩不受他行則非屬他亦
不隨他顏色亦不他智他語菩薩自有薩婆
若智是以不應屬他時文殊師利菩薩說是
出家法已有五百菩薩各脫自身上妙袈裟

持奉文殊師利菩薩掛其身上而作是言文
殊師利所說出家因緣誠實不虛我等從今
應當修學爾時金光勝童女得法本源渡達
彼岸得智慧光滅愚癡闇見生死過煩惱緣
起則頂禮文殊師利童子右繞三匝昇車而

還本宮

第十八

出降伏魔經

顯說一條行

魔爲修行菩薩說二十種魔障菩薩應

當自覺不取

爾時善堅天子在於會中見魔波旬化現佛形坐在道場天子問波旬言向來文殊師利菩薩所說魔波旬能障修行菩薩行業當願為說何者是修行菩薩魔障說是語已是魔波旬蘇失迷却化本形而白天子言修行菩薩凡有二十種魔障所謂一者求於解脫怖畏世間習瑜伽諸論供養修學當知則是魔障二者搜求空相遠離衆生當知則是魔障三者修無爲法不樂有爲善根功德當知則

是魔障四者所修禪定不樂世間定門當知則是魔障五者所顯法教不令發大慈心當知則是魔障六者尋求精進有德之徒於破戒人而生瞋嫌當知則是魔障七者顯揚聲聞道行覆蓋大乘當知則是魔障八者顯揚世諦所說世五若聞大乘空義無著無相而能覆蓋當知則是魔障九者已識趣菩薩道更不求六波羅蜜當知則是魔障十者自讚精進不勸怠慢衆生當知則是魔障十一者修集功德不念無上菩提當知則是魔障十二者

修治鞞鉢舍那正見不見衆生正見當知則是魔障十三者志求斷煩惱不願處於三界當知則是魔障十四者雖以智慧觀察慈悲而無習行當知則是魔障十五者所修善行若非善巧方便當知則是魔障十六者不修大乘菩薩藏經習學外道世論當知則是魔障十七者博達慧學護惜經法恐他習解當知則是魔障十八者若緣俗事皆當盡心若習妙法元無學意當知則是魔障十九者若修行菩薩見說大乘而不敬習亦不供養若

見聲聞緣覺乘人隨其習行相應和合當知則是魔障二十者若修行菩薩得大名聞無所乏少若當親見釋梵四王帝主大臣長者若不顯說如來無量聖德亦不供養亦不敬承當知則是魔障天子當知修行菩薩有如是二十種最大魔障并五應當攝心覺悟如教修行菩薩則入大乘次位已發菩提心修禪波羅蜜定若在睡眠尚不樂入聲聞位地

第十九

出富婁那所問經

顯說一條行

修行菩薩爲惡知識故四種因緣退捨
菩提入聲聞解脫

爾時佛告聖者富婁那言富婁那當知修行
菩薩有四種相應法退失菩提回入聲聞位
地何者爲四所謂一者若修行菩薩伴惡知
識共習惡行是等惡友令其遠離佛行捨棄
衆生而謂菩薩言汝可厭足如是行業三界
張遠苦惱無窮世間受生煩惱結集暫無停
息成佛甚難在家棄俗更復甚難勞心長遠

更勿修習汝亦未曾授記得成阿耨多羅三
藐三菩提汝今力微羸弱不堪渡五趣路中
途不應斷絕修行菩薩聞是語已心生退縮
潛隱萎垂則於菩薩行中心無所樂富婁那
當知是第一法故修行菩薩而退菩提翻入
聲聞解脫二者若修行菩薩不聞菩薩道行
不聞菩薩藏經菩薩積集功德菩薩所說禁
戒趣六波羅蜜路相應法證皆不曾聞既不
曾聞不能如法習學不知以何行門修行以
何行門遠離如何法習業次如何法不應習

何者聲聞法行何者菩薩法門既未明閑不知如何法則修學應修而不修行不應修而更修如是修行菩薩菩提漸漸損滅道心漸慢心意回惶捨昔行願退失菩提富婁那當知修行菩薩如是退捨菩提而入聲聞解脫

第五

廿八

三者若修行菩薩起異見行狀見已身執邪正二邊不離此行若聞無上甚深法要應得開悟反生誹謗輕嫌不信以謗法故死墮無間地獄無復見聞佛法不復更修大乘不遇善知識以不值故退失善行入於惡行隔斷

善友和合惡人忘失本念棄菩薩乘位不救三界衆生不習大乘行業富婁那當知此第三法相應故退失菩提而入聲聞解脫四者若修行菩薩聽聞甚深法要不爲衆生解說怠慢潛縮心無樂說少用力處而生修學慳惜佛法不攝衆生以是罪故所念漸滅念行滅已不應籌量法義亦不堪任更受法分捨是身命退失菩提富婁那當知此第四法相應故退失菩提而入聲聞解脫

第二十

出寶童子所問經

顯說一條行

修行菩薩四種實語不妄超越聲聞諸行無厭

爾時佛告寶童夫人言修行菩薩有三種實語不妄何者為三所謂一者不誑諸佛如來世入不誑一切衆生亦不誑自身夫人當知如何修行菩薩不誑如來一切衆生及以自身若修行菩薩發菩提心已然後發願樂證聲聞阿羅漢果夫人當知是菩薩則誑如來及誑

衆生并誑自身何者名為不誑若修行菩薩發菩提心已縱值種種苦惱逼切乃至邪魔外道尼乾調弄罵辱以口言氣狀若刀劍槍稍刺心損其所受毀訾苦楚若修行菩薩不驚不動不潛不縮不憂不悔皆能忍受堅固不棄前言菩提心寶不移不動於其三界救度衆生歸依無等無上菩提乃至剎那不念餘乘常念諸佛願轉法輪攝受衆生生大威力現大勢力善行堅固修治精進不隨他語無能摧伏夫人當知如是修行菩薩不誑衆

生不誑自身若有如是菩薩則是最大無上
實語復有四種因緣修行菩薩不誑如來何
者爲四所謂一者堅固心二者威力心三者
勢力無怠四者持戒精進復有四種因不誑
一切衆生何者爲四所謂一者堅牢修學二
者慈心與樂三者悲心愍苦四者攝受衆生
復有四種因不誑自身何者爲四所謂一者
堅固心二者重復堅固心三者無諂惑心四
者無誑心夫人當知修行菩薩則入第一實
語位不捨菩提過去行願不移不動爾時寶

童夫人白舍利弗言汝能以女身爲諸衆生
演說法不舍利弗言我今尚厭男子之身況
受女人身耶夫人答言舍利弗汝豈厭離是
身耶舍利弗言實厭是身夫人言以是義故
修行菩薩超越一切衆生何以故若聲聞厭
者菩薩殊無厭心若五若聲聞所嫌三菩薩無厭聲
聞厭離五陰六入菩薩則無厭離聲聞厭攝
身分菩薩無厭聲聞厭攝三界菩薩無厭聲
聞厭世間生死菩薩無厭聲聞厭離有爲功
德菩薩樂集功德資糧無厭聲聞厭與衆生

結緣菩薩成熟衆生心故無厭結緣聲聞厭離聚落菩薩無厭入於國邑聚落王宮聲聞厭自煩惱菩薩能攝衆生不厭煩惱舍利弗當知聲聞所嫌厭離諸行菩薩皆能攝受無厭舍利弗言如是修行菩薩以何威力以何氣勢而無厭心夫人答言修行菩薩八種威力相應而無厭心何者爲八所謂一者於諸衆生慈力無惱二者悲力成熟衆生三者善修行願無作四者智慧力故爲除煩惱五者善巧方便力故無倦六者功德力故無退七

者智慧力故愚癡已除八者精進力故具足已入不棄往願舍利弗當知修行菩薩有此八種行力相應皆無厭心

第二十一

出寶積經

卷五

顯說一條行

三十一

修行菩薩校量聲聞道行

爾時佛告摩訶迦葉言如月與星不可棄月先念諸星智者亦爾修行菩薩亦復如是以習學故不應棄捨先念聲聞復次譬如諸天

大乘修行菩薩行門諸經要集卷中

音釋

精明
魁秘

詛

沮莊

也助

切
拾

愧玷

寸月
稍檢

音千

朔羊

切

庭

窪
汚鳥

下瓜

也切

瘥

病姑

除懈

也切
土

和音

北
棧

擊傳

也追

切

摩丘
拭皆
也切

永樂北藏

菩薩行門諸經要集

第一三一冊

大乘修行菩薩行門諸經要集卷下 英六

唐終南山至相寺沙門釋智嚴譯

第二十二

出虛空藏菩薩所問經

顯說一條行

英六

說修行菩薩有四十五種魔障若能覺

悟兼能超度四魔

爾時佛告虛空藏菩薩言善男子如何修行
菩薩能伏一切邪魔而得超度四魔若修行
菩薩以智慧故見一切諸法喻如幻化則能

超度陰魔若聞甚深佛法依句披尋則能超
度蘊魔若悟常樂我淨則能超度死魔若不
離菩提心故則能超度天魔然此修行菩薩
能伏一切魔障何者魔障菩薩而能摧伏不
令邪魔競亂善男子當知凡有魔障四十五
種障其正行所謂一者若修行菩薩心樂聲
聞是為魔障二者不念菩提是為魔障三者
所施而有分別是為魔障四者求生高貴是
為魔障五者願生端正為魔障六者勤求
世事是為魔障七者數餐膏禪定少分欣悅是

為魔障八者以智輕嫌少分功德是為魔障
九者不樂世間生死是為魔障十者所修功
德而不回向無上菩提是為魔障十一者默
見煩惱是為魔障十二者覆藏所犯不能懺
悔是為魔障十三者於修行菩薩起憎嫉心
是為魔障十四者誹謗佛法是為魔障十五
者誑惑眾生是為魔障十六者不修六波羅
蜜是為魔障十七者於諸佛法不樂聽聞是
為魔障十八者慳悋佛法是為魔障十九者
為利養故宣說佛法是為魔障二十者不以

方便設化眾生是為魔障二十一者不攝受
眾生是為魔障二十二者於犯戒人憎嫌輕
賤是為魔障二十三者於持戒精進無敬重
心是為魔障二十四者修聲聞行是為魔障
二十五者順獨覺行是為魔障二十六者非
時意修道業是為魔障二十七者捨大慈悲
而求涅槃是為魔障二十八者樂修無為是
為魔障二十九者嫌賤修有為是為魔障三
十者不助眾生善行是為魔障三十一者我
慢貢高是為魔障三十二者兩舌鬭亂是為

魔障三十三者誑惑衆生妄說是非是爲魔障三十四者諂曲妄語所愛非真是爲魔障三十五者於諸衆生無真直心是爲魔障三十六者心變剛獷是爲魔障三十七者心變麤猛是爲魔障三十八者見造罪人不勸懺悔是爲魔障三十九者謗法不信是爲魔障四十者隨自欲樂是爲魔障四十一者樂行非理是爲魔障四十二者愛樂非法是爲魔障四十三者所有業障報障煩惱障纏繞積聚不令散滅是爲魔障四十四者心垢不除

是爲魔障四十五者與諸俗緣是爲魔障

第二十三

出如來境界經

顯說一條行

有諸比丘於迦葉佛所聞法故值遇釋

三六

迦如來法化當來若有衆生於

三

佛法中聞說大乘者當生彌勒

三會

爾時如來告須菩提言是等比丘所說誠不虛言須菩提當知迦葉如來出現世時是諸

比立於佛聞法皆悉隨逐文殊師利以隨逐故所聞深法無有忘失善根智慧成就圓滿當來若有於我法中聞是深法聞已憶念如是衆生皆於未來彌勒三會大數之中次第皆入何況修習大乘菩薩若能修習大乘行已是等通達甚深法忍

第二十四

出阿閼世品經

顯說一條行

解菩薩藏及聲聞緣覺藏又解上座因

爾時寶日菩薩言善男子如來行業不可思議若大乘法不可率爾調習悟入若修行菩薩乃至睡眠不樂聲聞緣覺行業將是如來實相示現衆生不應憍惜能作是念願一切衆生習學大乘此無等心而無損減以是不憍法故應當覺悟如來大乘義趣善男子譬如栽樹根莖著地枝葉華果必當茂盛修行菩薩亦復如是已能堅持菩薩藏故亦當解了一切諸乘是名無量善根菩薩藏法器善男子何者是菩薩藏何因名菩薩藏譬如大

海中水滴無量雜寶無數諸龍夜叉乾闥婆
阿修羅金翅鳥王緊那羅摩睺羅伽摩竭魚
等無量雜類悉居其中修行菩薩亦復如是
無量法寶印記布施持戒禪定智慧解脫解
脫知見悉住其中是以名為菩薩法藏譬如
大海所生雜類一切衆生是等不堪飲餘河
水若修行菩薩修習菩薩藏已亦不應餐餘
乘法味是以名為菩薩法藏善男子當知凡
有三藏聲聞藏緣覺藏大乘菩薩藏何者是
聲聞藏依他所說依他所聞而得道行何者

辟支佛藏依自悟入常樂我淨滅定門故何
者是菩薩法藏悟達無量諸佛法故發起無
上菩提心故善男子當知聲聞緣覺乘人不
應得有三藏名位然但可得為三乘教若聞
師說三乘教者各隨所聞而般涅槃由於三
乘各稟承故以此三乘號為三藏然非明於
大乘義趣若修行菩薩說法之時以三乘教
化衆生令入涅槃是以菩薩名為三藏善男
子有三種學何者為三所謂一聲聞學二辟
支佛學三者菩薩行學何者是聲聞學分令

悟自心故何者辟支佛學隨中品行無悲心
故何者是修行菩薩學隨順大悲自悟智故
精進善行聲聞緣覺不習菩薩行門亦不知
義若菩薩則知二乘義理行門然不染著菩
薩第六習學深心樂住而能示現聲聞辟支解脫
趣路不入其位五善男子若修行菩薩如是學
故是以名為菩薩乘藏爾時文殊師利童子
著衣持鉢呼長老迦葉言仁當先行我等隨
從何以故長老須菩提如來先度出家已久
年夏俱尊汝自往昔當發是願我今所度出

家依世間諸阿羅漢道迦葉仁但先行我等
隨從時須菩提白文殊師利言於佛法中不
應以老為上生年為上何以故文殊當知於
佛法中智慧為上智慧上故所學亦上威德
亦上此等甚深法教中為上文殊師利仁者
智慧為上法教為上威德無礙普觀一切眾
生善惡根性明了知見是故當知文殊師利
最尊最上仁但先行我等隨從

第二十五

出離垢菩薩所問經

顯說一條行

諸菩薩從空中下往昔爲女人以發菩

提願故現身轉爲男子

爾時佛告淨光夫人言夫人當知若有女人
以一行故速得捨離女人之身受丈夫身何

者一行以堅固願發起無上菩提之心何以
故夫人當知菩提心者是大丈夫是大男子
非容易心故能遠離阿羅漢行摧伏一切諸
魔外道於三界中最爲無上斷除一切煩惱
習氣若有女人正念歸佛起菩提心無復更

受女人之身清淨心故回此女身轉成男子
如是善根回施一切女人以此回施功德故
亦皆回向無上菩提夫人當知以一行願故
速離女人轉成男子時於此會虛空之中有
諸菩薩來至佛所頂禮佛足退坐一面是諸

英六

六

菩薩往昔皆是女人現身轉爲男子於時會
中是諸菩薩見諸往昔夫婿蒙放出家者各
相慰言汝等是我善知識故速發無上菩提
之心諸佛出世難可值遇修功德因會緣甚
難若於衆生起大慈悲發起無上菩提心者

則得成就圓滿供養過去現在未來一切諸佛時諸菩薩說是語已是等比丘告諸菩薩言善大丈夫汝與我等為善知識救度一切衆生故今勸我等發無上心我等以汝勸故善念歸依一切諸佛願我等未來成等正覺皆如世尊釋迦牟尼是時此大菩薩及諸修行菩薩白佛言願佛慈悲度我等出家爾時佛告彌勒菩薩言彌勒為度此等諸善男子出家彌勒言如佛所教則以度訖

第二十六

出文殊師利菩薩解義經

顯說一條行

修行菩薩修二種行獲十種善根利益爾時佛告舍利弗言修行菩薩以二種行相應不退善願隨願往生諸佛刹土無所障礙何者為二若修行菩薩不樂聲聞行業亦不習學交通不說聲聞和雜教跡亦不勸化衆生令入聲聞緣覺法中專為無上菩提勸化衆生修學成就如來聖德若修行菩薩勸諸衆生令入佛乘獲十種利何等為十所謂一

者遠離聲聞緣覺乃至成佛遊諸刹土二者
值遇清淨菩薩法集三者成佛已來諸佛攝
護四者名聞十方諸佛會中稱其名號五者
發起無等最妙上心六者唯受帝釋梵天之
身七者若生人中受轉輪王位八者常得值
遇諸佛如來九者天人所敬十者積集無量
善根功德舍利弗若三千大千世界衆生悉
令勸入阿羅漢辟支佛位若復有人能勸一
善男子善女人令住佛位是人功德甚多於
彼何以故舍利弗當知佛種不應聲聞緣覺

起故而能斷絕若如來不出於世則聲聞緣
覺不有若佛種不斷佛出世故聲聞緣覺方
得出現修行菩薩於佛地中安立他故得此
十種善利以是二種功德相應故不離行願
於諸刹土隨願往生

第二十七

出光明遍照品經

顯說一條行

校量菩薩聲聞福力

爾時佛告毗盧遮那願光明菩薩言譬如恒

永樂北藏

菩薩行門諸經要集

第一三二冊

河兩岸有無量百千餓鬼飢渴所逼裸形露體火焰爲衣身肉焦然形枯風日鵬鴟烏鷲飛繞爭餐惡獸豺狼競來搏撮餓鬼罪故不見恒河設有所見見其枯涸或見爲灰何以故爲罪障故受諸苦惱說不可盡聲聞弟子

英六

雖復同住逝多林中不見如來廣大神力不聞佛說菩薩集會校量法義何以故無明翳膜覆其眼故不曾種植薩婆若地諸善根故善男子譬如有人於大會中昏睡安寢忽然夢見須彌山頂帝釋所居善見大城宮殿園

林種種嚴好天子天女百千萬億普散天華遍滿其地種種衣樹出妙衣服種種華樹開敷妙華諸音樂樹奏天音樂天諸姝女美音歌詠無量諸天於中戲樂其人自見著天衣服普於其處住止周旋時大會中一切諸人雖同一處不知不見何以故此人夢見非彼大衆所能見故一切菩薩世間諸王亦復如是所以久積集善根力故發一切智廣大願故習學一切佛功德故修行菩薩莊嚴道故圓滿一切智智法故滿足普賢諸行願故趣入

一切菩薩智地故遊戲菩薩諸三昧故已能
觀察一切菩薩智慧境界無障礙故是故悉
見如來不可思議自在聖德神變一切聲聞
諸大弟子不能知見以無菩薩清淨眼故譬
如比丘得心自在入滅盡定六根作業皆悉
不行一切語言不知不覺定力持故不般涅槃
以在定故不覺世間諸法一切聲聞亦復
如是此等諸大比丘同在逝多林中六根具
足不見如來聖德神變不見菩薩集會校量
法義何以故爲諸佛如來及大菩薩甚深自

在力故希逢難遇過去善根功德清淨無雜
若聲聞緣覺無有分故是以比丘雖在逝多
林中如來足下不見如來聖德神變亦不見
菩薩集會校量法義以不相應住於無上菩
提位故

第二十八

出出生菩提經

顯說二條行

說三種佛地

又解釋三乘高下因緣

爾時迦葉教恒婆羅門白佛言世尊若有已發菩提心者而有退失不佛告婆羅門言若發菩提心已則無退失何以故婆羅門當知有三種菩提一者聲聞菩提二者緣覺菩提三者諸佛無上菩提其中何者是聲聞菩提若有善男子善女人於聲聞行中雖發菩提心者亦不勸化安立衆生令發菩提亦不顯示大乘深義不敬大乘行人不共習學亦不供養若見來者不迎不喜以是行故當獨解脫是名聲聞菩提復次婆羅門何者是緣覺

菩提若有善男子善女人在於緣覺行中雖已自發菩提之心不勸衆生令發菩提不習甚深大乘法教亦不教授他人不敬大乘行人不共習學亦不供養若見來者不迎不喜以是行故當獨解脫是名緣覺菩提復次婆羅門何者是無上菩提若有善男子善女人自發菩提心已勸諸衆生發菩提心調伏安立習學大乘法義爲他演說若見大乘行人歡喜迎送婆羅門當知是人解脫他已安立人天利益世間是爲大乘無上菩提何故名

第六

十

爲無上菩提爲於三界一切已辦更無勝上所求是以名爲無上菩提

爾時迦葉教怛婆羅門白佛言世尊解脫解脫有二義不佛言解脫解脫無有異義復云道與道亦無二義若三乘者而有分別婆羅門當知譬如衢路有三乘車第一象駕第二馬駕第三驢駕此三次第駕馭同入城門婆羅門於意云何是三乘車有高下不婆羅門言有高下也佛言若聲聞乘緣覺乘無上佛乘亦復如是而有高下若道與解脫而無高

下婆羅門譬如三人同渡恒河至於彼岸一人浮草得渡一人浮囊得渡一人造大船而渡并與百千衆生同乘達彼岸後屬長子監此渡船語言來者皆應運渡令至彼岸其第三人自達彼岸復能濟渡一國衆生婆羅門於意云何三人所渡同益不耶婆羅門言不也世尊佛言婆羅門於意云何三乘利益有高下耶婆羅門言有高下也佛言婆羅門當知聲聞乘緣覺乘無上佛乘有高下所益不同

英六

十一

第二十九

出寶聚經

顯說一條行

初發菩提心校量聲聞羅漢與修行善

薩數量輕重不同

爾時佛告長老舍利弗言若此三千大千世界衆生皆得阿羅漢果復有三千大千世界衆生皆得成佛是諸佛前各置一羅漢各各供養是諸如來或經一劫百劫千劫乃至經於恆河沙劫舍利弗於意云何況復供養無

量無邊諸佛如來其福甚多說不可盡佛言若有知是無量阿羅漢供養如是無量諸佛復有初發菩提心者是人功德多於是數羅漢況以菩提無斷故供養諸佛及諸弟子師僧和尚善知識等乃至畜生施其一團之食此之功德比阿羅漢供養功德百分千分不如供養初修菩提心者

第三十

出那羅延品經

顯說一條行

說修行菩薩住四種住地修四種行

爾時佛告那羅延菩薩言那羅延當知譬如吠瑠璃寶若置諸雜器中其寶不失本光那羅延當知修行菩薩亦復如是所在三昧縱為俗服名為出家不離法界道行說是語已

英大

十二

那羅延菩薩白文殊師利菩薩言菩薩住於何地而無損減集諸三昧功德而得無盡智慧資糧文殊師利菩薩告那羅延菩薩言菩薩有四種住地何者為四所謂一者若於身命無所吝惜二者不樂名聞利養三者不樂

已所快樂四者不願受生諸天快樂是為四種住地

第三十一

出集一切功德經

顯說一條行

修行菩薩投刀請殺願易生死救度眾生不離三界

爾時復有菩薩白佛言世尊譬如多人各犯刑名臨刀欲殺而有一人解散得脫是人却來就執刀者謂是執刀殺我殺我世尊是三

界地不異法人之處凡夫愚鈍亦如犯死之人菩薩解脫世間却來成熟諸衆生故如人臨刑得免却就死刑菩薩亦復如是不離三界是以諸佛如來大慈大悲相應菩提心故修行菩薩超度一切聲聞緣覺何以故爲聲

英六

十三

聞緣覺無是大悲心故亦無善巧方便

第三十二

出密嚴經

顯說一條行

校量顯示聲聞與修行菩薩行業深淺

若有菩薩於法深解善巧方便法義當得阿耨多羅三藐三菩提若成等正覺已顯揚法教若見五陰離於自身觀無人我諸法體性亦無所動此則聲聞解脫若修行菩薩一切法行觀於二邊遠離邊際此等速得阿耨多羅三藐三菩提若有直見邊際快樂已於諸衆生無慈悲心捨離世緣如是之人成佛甚難快哉如來智慧令諸衆生至於安樂譬如蓮華離淤泥垢生甚清淨雖生淤泥所爲諸佛賢聖供養故生菩薩亦復如是生於三界

淤泥若成佛已則得諸天歎美若修行菩薩
轉生人間當得王四天下轉輪王位若生天
上自爲天主卽闍婆王爲不斷相應大乘法
故所生之處恒受勝上高位是故修行菩薩
應當攝護大乘常受勝位究竟成就阿耨多

羅三藐三菩提

第三十三

出梵剎經

顯說一條行

修行菩薩每發大忍辱行願速進菩提

爾時佛言初修行菩薩宜當數發無上菩提
相應行願爲諸衆生苦惱枯涸令爲發大誓
願忍辱心故成熟衆生

願三千大千世界地爲金剛於其地上我身
分散譬如蘆葦甘蔗或如稻苗如是多身各

第六

十四

受世法苦樂依恒一切衆生變爲那羅延力
以其力故願於我身生大瞋嫌各執金剛鎚
杵晝夜三時杵碎我身如安善那眼藥碎已
復生依前無捨我於此等衆生無嫌怨心願
我代於一切衆生受此苦厄無有間斷普令

遠離諸煩惱苦不退無上菩提不入聲聞緣
覺道果願成等正覺度脫一切衆生

第三十四

出一切諸佛所念經

顯說一條行

修行菩薩忍辱身口意業不復更犯

爾時善等觀菩薩白佛言世尊修行菩薩如
何住於忍辱羞恥行門佛言若修行菩薩以
身惡行自慎羞恥以口惡行自慎羞恥以意
惡行自慎羞恥以聲聞緣覺談論惡行自慎

爲恥善男子是修行菩薩羞恥之處若能慎
覺則得至於無上菩提道位

第三十五

出法集經

顯說一條行

第六

修行菩薩修持十種戒行復別有十種

十五

戒行

爾時佛告無所發菩薩摩訶薩言善男子於
意云何何者是修行菩薩實語菩薩若發菩
提心已寧捨身命不捨菩提於諸衆生不行

非法是爲不妄語若修行菩薩發無上菩提心已後違前志違言欺誑則是修行菩薩退失菩提

復次修行菩薩云何持戒念行所謂一者若樂聽聞佛法是其爲戒成就圓滿而得四無量心二者若志求佛法是其爲戒成就圓滿得界下心三者若供養善知識故是其爲戒成就圓滿技藝無缺四者若修波羅蜜行是其爲戒成就圓滿而得佛智五者若聞經典轉爲他說是其爲戒成就圓滿而能廣說大

乘經典六者若常念佛法是其爲戒成就圓滿明閼總持威力七者若專修菩提是其爲戒成就圓滿滅諸罪障八者不嫉衆生是其爲戒是以不失菩提九者不退菩提是不失戒三寶現前十者如如念戒觀一切無缺善男子修行菩薩應當恒以心念如是善戒復次修行菩薩復有十種菩提心戒所謂一者爲求一切衆生利故非獨利已二者所修道業回施衆生願速成佛非專爲已三者以堅牢行利他世業亦非爲已四者戒行清淨

增長菩提歷劫忍辱無有疲倦五者布施爲
戒乃至能捨頭目髓腦利衆生故六者持戒
爲戒菩薩不捨無戒衆生七者忍辱爲戒菩
薩不懼一切魔軍八者精進爲戒爲衆生故
積集佛道無有疲倦九者禪定爲戒菩薩爲
聲聞亂定心不動十者智慧爲戒菩薩見諸
世法想同菩提空相爲戒菩薩不染世間慈
悲爲戒不入涅槃是爲法集

第三十六

出阿差耶末所問經

顯說一條行

修行菩薩戒行無盡諸行人戒力皆有

盡時

爾時阿差耶末菩薩白舍利弗言修行菩薩
持戒無盡舍利弗當知相續無斷見故何故
凡夫持戒上生善處戒力銷盡人間持戒十
善受畢戒力銷盡若六欲天戒功德報畢戒
力銷盡若色界天戒四禪滅故戒力銷盡若
無色界天戒四三摩鉢帝滅故戒力銷盡若
五通仙人戒失於五通戒力銷盡若一切聲

聞戒入涅槃故戒力銷盡若辟支佛戒無大
悲故戒力銷盡舍利弗當知若菩薩摩訶薩
戒行無盡何以故一切淨戒皆因菩薩戒攝
現前故譬如種子漸多利益無盡舍利弗當
知菩提心者猶如種子諸佛如來戒行無盡
是大丈夫名為無盡戒行舍利弗是修行菩
薩持戒故戒行無盡

英六

十七

第三十七

出集會品經

顯說一條行

修行菩薩於三乘中普明善巧方便

何者是修行菩薩於一切乘中善巧方便凡
有三乘法而得解脫何者為三一者聲聞乘
二者緣覺乘三者大乘復有二乘何者為二
天乘人乘其中何者修行菩薩於聲聞乘中
而有善巧方便若佛不出於世聲聞乘亦無
成就何以故為依他聞法故而現聲聞何者
是聞法持戒忍辱積集圓滿故若積集戒圓
滿則得積集禪定圓滿若積集定圓滿則得
積集智慧圓滿若積集慧圓滿則得積集解

脫圓滿若得積集解脫圓滿則得積集解脫
知見圓滿如是方便是爲聲聞善巧方便聲
聞復有善巧方便福德不動諸法嫌故於是
三界而生厭離一切諸行無常厭離煩惱一
切諸法無我故專求寂滅涅槃乃至利那不
求世間生死恒懼無常五陰諸行無相故五
根喻若蟒蛇相故十二因緣如空聚落一切
生死無心樂故顯是法已修行菩薩則知聲
聞乘中善巧方便
何者修行菩薩於緣覺乘中而有善巧方便

是何因緣緣覺而得出世修行菩薩應知緣
起何者加行樂修精進禪定不住積集功德
資糧不住積集持戒資糧少分聽法修習故
亦不親近供養諸佛故中分智故常爲出家
下心故而修少用功力不樂籌量法集樂行
空寂獨居別處速求難入大灌頂位樂行乞
食數思常樂我淨法出離三界披尋涅槃自
智悟入定故樂修三昧非他自悟以智明悟
起一切諸行因緣邊際顯是法已修行菩薩
則知緣覺乘中善巧方便

何者修行菩薩於大乘中善巧方便若大乘
行故方便無量無邊我今略說此乘功力爲
一切衆生令入此乘功德資糧積集善根爲
諸衆生清淨攝受諸波羅蜜令入一切法故
以無間斷常行佛道此乘以無礙故光明所
照若此大乘一切衆生皆是乞士超越一切
無畏邪路此乘如來聖德恒在目前一切邪
魔外道雜行皆能摧伏復爲如來資助善行
如樹寶幢無有間斷此乘能除三界住滅二
邊妄想執持空相無常結使所持疑惑皆能

除斷如來佛乘無障礙得故此乘能於一切
法集親近三寶利益世人皆當恃怙行不誑
路一切衆生皆有分故爲過去大悲堅持力
故示現此處以十力四無所畏十八不共法
三十二相八十種好身口意莊嚴具光明嚴
飾爲一切處無嫌無過是爲修行菩薩大乘
中善巧方便

第三十八

出郁伽長者所問經

顯說一條行

說在家菩薩應修四種行不出家因緣
爾時佛告郁伽長者言在家修行菩薩以四
種行相應而得歸依如來何者爲四所謂一
者菩提心無捨故二者不破三摩禪業三者
大慈大悲無斷故四者不染雜業是爲四種
相應成就歸依如來復有四種行業相應而
得歸依法何者爲四所謂一者供養法師故
二者尊重聽法三者聽聞法已正直披尋四
者若聞法要而爲衆生顯說流傳回施衆生
成等正覺復有四種行相應而得歸依僧何

者爲四所謂一者不樂聲聞專求無上菩提
二者若有衆生修餘行業勸令修學正真佛
法三者以菩提心無退四者供養僧徒推尋
聲聞行業而不取聲聞解脫苦修行菩薩捨
一切財物已智而生施心作是念言若有飢
餓來乞飲食皆當施與縱施須者復作是念
一切所求而成檀波羅蜜如是在家修行菩
薩攝護戒行

爾時佛告阿難汝見郁伽長者供養如來修
習於法所樂之物而能布施阿難白佛言世

尊我見是事佛言阿難當知郁伽長者此賢劫中所有一千佛出世皆以無量供具當遍供養攝護佛法雖在俗服而修僧行廣修佛道爾時阿難問郁伽長者言長者以何義故俗中猶如怨賊所居俗服而能樂住今值出家因緣何無樂心長者答言我不樂俗何以故修行菩薩相應大悲故不求快樂忍辱苦惱不捨衆生故佛言阿難當知此郁伽長者雖在俗服已曾成熟無量衆生諸餘百千菩薩無能如是成熟衆生何以故彼百千菩薩

皆無如是善巧威力如郁伽長者一人

第三十九

出殊勝具戒經

顯說二條行

初發起修行菩薩發菩提心應與魔闘

堪受無量衣食床座供養其福

無量

又釋阿耨達多龍王神力

爾時佛告諸善男子言汝善男子應共魔闘尋求聖位若修行菩薩成熟衆生之時先共

邪魔闘戰令其變化相應善行不求餘師是
爲法行諸善男子當知若有人謾嫌聲聞行
者汝等勿有譏嫌若有樂修聲聞行者汝等
勿樂爾時諸菩薩白佛言世尊何者行聲聞
譏嫌而菩薩無譏嫌其六然聲聞求者而菩薩不世二
求佛言若聲聞譏嫌生死汝不應嫌若聲聞
所願樂涅槃汝等不應願樂是爲法行爾時
佛告舍利弗言舍利弗若修行大菩薩滿於
世間於諸衆生每日授與袈裟衣服於意云
何如是施者是善清淨施不但爲初修行善

薩初心發起無上菩提心故從此之後則成
最上修行菩薩而堪淨受如是衣施若初修
行菩薩每日於他受淨嚕食積如須彌而堪
淨受不爲修行菩薩初心發起無上菩提心
故從此之後則成最上修行菩薩而堪受如
是淨食若初修行菩薩受用高座廣如四天
下高若須彌七寶所成金銀玻璃真珠碼碯
金剛雜寶而爲廁廁諸天上衣彌覆其上其
座每日於諸衆生清淨受用而成淨受不爲
初修行菩薩初心發起無上菩提心故從此

之後爲一切衆生當成施主而堪受如此高座舍利弗當知譬如阿耨達多龍王宮四面出生四大河水何者爲四所謂一者恒河二者斯塗三者博叉四者新都此四大河流入大海令海盈滿此四大河各有眷屬若恒河大河與五百小河而爲眷屬東方流入大海若斯塗大河與五百小河而爲眷屬南方流入大海若博叉大河與五百小河而爲眷屬西方流入大海若新都大河與五百小河而爲眷屬北方流入大海舍利弗於意云何是

等四河隨方流出滿四大海曠野遍流而能利益世間衆生舍利弗言世尊此四大河利益無量衆生人非人等如是大小諸河流注天下潤澤五穀粳粱菰豆雜麥油麻床疊雜田皆以諸河溉灌田野舍利弗於意云何是

英六

廿二

蟲諸龍母子修羅羅刹人與非人皆能利益
種種雜寶遍滿海中蚌蛤真珠放光動地玻
瓈碼碯鞞羯磤磤琥珀玫瑰珊瑚雜寶遍滿
海中利益衆生舍利弗於意云何是四大海
從何而有舍利弗言以阿耨達多龍王故而
有佛言舍利弗是阿耨達多龍王不遭三難
何者三難一者不懼金翅吞食其身二者熱
沙不墮身上三者若行欲時不變爲蛇諸餘
龍王皆有此三難唯阿耨達多龍王而無此難
阿耨達多龍王宮殿恒止神通禪定之人所

有衆生入其宮者熱沙不墮其身爾時舍利
弗白世尊言世尊阿耨達多龍王宮殿如何
得如是奇妙功德威力何故諸餘龍王晝夜
六時皆有厄難唯此阿耨達龍及彼宮中無
如是難而有無量善根功德流出四河利益
無量衆生產業佛告舍利弗誠如所言阿耨
達多龍王是大菩薩是大修行菩薩舍利弗
譬如阿耨達多龍王於三種難而得解脫修
行菩薩亦復如是亦得解脫三種厄難何者
爲三地獄難餓鬼難畜生難譬如阿耨達多

龍王池中四河潛潤廣遍田野修行菩薩亦復如是以四攝事攝諸眾生何者爲四一者布施攝二者愛語攝三者利行攝四者同事攝舍利弗譬如四大海水以阿耨達多龍王四大河故成就初修行菩薩亦復如是以發生菩提心故而成阿耨多羅三藐三菩提譬如四大海中無量無邊億百千眾生快樂相應舍利弗當知三界眾生於佛法中安立亦復如是應見欲界色界無色界眾生若三千大千世界眾生受樂皆因菩薩出現功德

第四十

出解深密經

顯說一條行

修行菩薩修六波羅蜜住地行

爾時觀世音菩薩白佛言世尊是諸修行菩薩凡有幾種修學住地菩薩應學能成無上菩提佛告觀世音菩薩言善男子當知修行菩薩學住地略有六種何者爲六所謂布施持戒忍辱精進禪定智慧觀世音菩薩白佛言世尊如是六種修學住

地幾是戒學所攝幾是定學所攝幾是慧學所攝佛告觀世音菩薩言善男子當知初三種學第一布施持戒忍辱此三者當知爲戒學所攝若禪定一種但是增上心學所攝若慧則是增上慧學所攝若精進我說通行一

第六

世尊

切觀世音菩薩復白佛言世尊如是六學住地幾是功德資糧幾是智慧資糧所攝佛告觀世音菩薩言善男子若因戒學所攝者是名功德資糧所攝若智慧修學所攝者是名智慧資糧所攝我說精進禪定通行一切亦

入功德資糧亦入智慧資糧所攝觀世音菩薩復白佛言世尊於此六種所學一者最初於菩薩藏波羅蜜相應微妙正法堅牢行願二者次於十種法行精進修行以聞思修妙智所成三者護持菩提心故四者親近供養真善知識無間勤修善品

觀世音菩薩言世尊何故是六種學住地六數各願知所因

佛告觀世音菩薩言善男子二因緣故一者饒益諸衆生故二者對治諸煩惱故觀世音

當知是六學中前三種饒益衆生布施持戒
忍辱後三種對治一切煩惱因精進禪定智
慧是中修行菩薩以前三種布施故種種資
具攝養衆生以持戒故不行損害逼迫惱亂
令離怨家以忍辱故他來欲害逼迫苦惱堪
能忍受攝護衆生觀世音當知此三所說爲
衆生攝施因後復三種對治煩惱者修行菩
薩由修學精進故令煩惱傾動修學而能對
治勇猛修諸善品由禪定學故而能剝削心
家煩惱由智慧故永除煩惱此後三種爲對

共六

廿五

治煩惱因

第四十一

出勝鬘師子吼一乘大方便方廣經

顯說一條行

勝鬘夫人發十大受願讚歎如來如來

則現

爾時波斯匿王及末利夫人信法未久共相
謂言勝鬘夫人是我之女聰慧利根通愍易
悟若見佛者必速解法心得無疑宜時遣使
發其道意夫人白言今正是時王及夫人與

勝鬘書略讚如來無量功德即遣內人名旃
提羅使人奉書至阿踰闍國入其宮內敬授
勝鬘勝鬘得書歡喜頂受讀誦受持生希有
心向旃提羅而說偈言

我聞佛音聲 世所未曾有 所言真實者

應當修供養 仰惟佛世尊 普為世間出
亦應垂哀愍 願必令我見 即生此念時
佛於空中現 普放淨光明 顯現無比身
勝鬘及眷屬 頭面接足禮 咸以清淨心
歎佛實功德 如來妙色身 世間無與等

無比不思議	是故今敬禮	如來色無盡
智慧亦復然	一切法常住	是故我歸依
降伏心過惡	及與身四種	已到難伏地
是故禮法王	知一切爾焰	智慧身自在
攝持一切法	是故恭敬禮	敬禮過稱量
敬禮無譬類	敬禮無邊法	敬禮難思議
哀愍覆護我	令法種增長	此世及後生
願佛常攝受	我久安立汝	前世已開覺
今復攝受汝	未來生亦然	我已作功德
現在及餘世	如是眾善本	唯願見攝受

英六

廿六

爾時勝鬘夫人聞授記已恭敬而立受十大
戒世尊我從今日乃至菩提於所受戒不起
犯心世尊我從今日乃至菩提於諸尊長不
起慢心世尊我從今日乃至菩提於諸眾生
不起恚心世尊我從今日乃至菩提於他身
色及外眾具不起嫉心世尊我從今日乃至
菩提於內外法不起慳心世尊我從今日乃
至菩提不自爲已受畜財物凡有所受悉爲
成熟貧苦眾生世尊我從今日乃至菩提不
自爲已行四攝法爲一切眾生故以不愛染

心無厭足心無礙心攝受眾生世尊我從今
日乃至菩提若見孤獨幽繫疾病種種厄難
困苦眾生終不暫捨必欲安隱以義饒益令
脫眾苦然後乃捨世尊我從今日乃至菩提
若見捕養眾惡律儀及諸犯戒終不棄捨我
得力時於彼彼處見此眾生應折伏者而折
伏之應攝受者而攝受之何以故以折伏攝
受故令法久住法久住者天人充滿惡道減
少於如來所轉法輪而得隨轉見是利故救
攝不捨世尊我從今日乃至菩提攝受正法

終不忘失何以故忘失法者則忘大乘忘大乘者則忘波羅蜜忘波羅蜜者則不欲大乘菩薩不決定大乘者則不能攝正法欲隨所樂入求不堪任越凡夫地我見如是無量大過又見未來攝受生正法菩薩摩訶薩無量福利故受此大受法生世尊現爲我證唯佛世尊現前證知而諸衆生善根微薄或越疑網以十大受極難度故彼或長夜非義饒益不得安樂爲安彼故今於佛前說誠實誓我受此十大受如說行者以此誓故於大衆中

當雨天華出天妙音說是語時於虛空中雨衆天華出妙聲言如是如是如汝所說真實無異彼見華及聞音聲一切衆會疑惑悉除喜踊無量而發願言恒與勝鬘常共俱會同其所行世尊悉記一切大衆如其所願爾時勝鬘夫人復於佛前發三大願而作是言以此實願安慰無量無邊衆生以此善根於一切生得正法智是名第一大願我得正法智已以無厭心爲衆生說是名第二大願我於攝受正法捨身命財護持正法是名第三大

願爾時世尊即記勝鬘三大誓願如一切色
悉入空界如是菩薩恒沙諸願皆悉入此三
大願中此願者真實廣大

第四十二

出出生無邊門陀羅尼經

卷六

六

顯說三條行

說持是經陀羅尼者臨命終時八十億

諸佛親來迎接

又表如來三身

又說修行菩薩修四事無相行門速成

佛道

爾時佛告舍利弗言若諸修行菩薩為求阿
耨多羅三藐三菩提者應當發廣大心無所
染著無取無捨受持誦念此陀羅尼爾時世
尊說陀羅尼曰

寫陀_{提耶}體曇一阿拏_{底拏}二阿谿_{底谿}三
娑_{多目谿}四娑_{低切耶}邏_聲咩五掃_咩六
欲_{訖低}七合泥_{嚕訖低}八合泥_{嚕訖多鉢}九
翳_黎咩_黎醯_黎十_{舸立}算_{十一合舸立}謗_{十二合}
泥_{二十舸立}跋_{三合}栖_{三合}娑_下囉_同娑_囉和_低十

醯羅醯犁^{五十}醯禮犁^{六十}醯邏醯禮犁^{七十}戰提
十遮^和低^{九十}者^啍遮羅^拏十二遮羅遮羅^拏十二
一阿者黎^{二十}按低^{三十}按多低^{四十}舸羅
拏^{二十}阿羅^拏六十阿散低^{七十}涅漫泥^{十二}
八涅^五鞞怛泥^九二十涅目訖低^{三十}合涅^{廿九}殿低^{十三}
一涅陀^切耶^六黎^{三十}涅訶黎^{三十}涅訶羅伏
麼黎^{三十}涅訶羅燒馱泥^{三十}燒跋泥^{三十}
尸羅燒馱泥^{三十}鉢吉低^合二^合鉢泥^{八十}鉢吉
低^合二^合泥跋泥^{九十}婆^去下同^和伏婆^和泥^{四十}阿
僧倪^{四十}娜^四咩^{二十}縊^四咩^{三十}微^十瞞羅鉢鞞

四十桑葛展拏^{五十}姪黎^{六十}姪姪黎^{七十}
摩訶姪姪黎^{八十}泥那泥^{九十}婆^和伏婆黎
泥^{五十}婆^和泥^{五十}摩訶婆^和泥^{五十}訖吒泥
三十摩訶訖吒泥^{五十}耶賒^和低^{五十}者黎
五十阿者黎^{五十}摩者黎^{五十}婆摩者黎^{五十}
九姪荼散泥^{六十}速思體^合低^{六十}阿僧伽鞞
訶黎^{六十}阿僧伽泥訶黎^{六十}娑蔓多目谿
六十涅訶黎^{五十}涅訶羅欲訖低^{六十}泥訶
羅伏麼黎^{六十}泥訶羅燒馱泥^{八十}姪荼散
泥^{六十}速思體^合低^{七十}掃^和宋摩^和低^{七十}

思湯合二咩二七十思湯合二摩和低三七十思貪合二
婆和低四七十姪奈思儻合二咩五七十思湯合二摩
鉢去聲界低二合七摩訶鉢七十婆蔓多
鉢八十鞞摩羅鉢九十鞞摩羅濕咩二合
八婆蔓多目谿八十薩婆怛邏合二女揭低八
二間烏可那聲去聲拏陀提耶切鉢囉合二低婆泥八
三馱羅尼泥馱泥四十馱羅尼目抗奴散泥
五十薩婆勃陀婆瑟低六十薩婆勃馱姪瑟
恥合二低七八十泥馱那逮低黎二合八莎訶八
九

佛告舍利弗若菩薩修此陀羅尼者不應分
別有為無為亦不取不著不增不減不成不
壞不合不散不生不滅亦不念於過去未來
現在諸法亦不積集攝取諸法但當思惟諸
佛非色非無色非相非無相菩薩不應同於
二乘取佛色身何以故聲聞緣覺取佛色身
莊嚴之相光明照耀父母生育飲食長養血
肉筋骨四大合成無常變壞苦惱不淨為佛
色身菩薩不爾何以故如來之身無生相故
普為衆生於一切法以非明照集智資糧顯

英六

三十

現法身虛空相無生相如來法身以無生相而爲色蘊復以無生相甚深之義是一切法體故然諸菩薩不應非色取如來相若以非色取如來相便同聲聞謂佛入於寂滅涅槃色身斷滅無復更生菩薩不爾何以故如來之身無盡相故普爲衆生於一切法以非明照顯現色身以法作相集福資糧以如來色身無盡相故是爲無盡色蘊是故諸法亦無盡相若衆生界度脫未盡如來常現無盡色身舍利弗於此經中陀羅尼故出生無量面

門修行菩薩若聞是經於無上菩提皆不退轉何以故是中顯示如來一切聖德神通復因此經增益衆生戒行分段守護無所得法爾時世尊而說頌言

汝等勿樂著 一切諸法空 於諸佛菩提

第六

三十一

亦莫起分別 於菩提涅槃 心不生疑惑
若能修此行 速得陀羅尼 聽此修多羅
習智空無相 無生亦無滅 當速證菩提
菩薩持是經 深解無量法 得生諸佛刹
親近最勝尊 若得陀羅尼 決定深義趣

不生退懼心	受持無盡法	十方一切佛
說法皆盡聞	聞已悉受持	頂戴而奉行
若受持此經	於文字名句	及所說妙義
終無有疑忘	如日月光明	所照無不遍
了知此法門	通達無量義	誦持此經故
即自能開解	一切最勝法	陀羅尼妙門
假使一劫中	一切諸衆生	所有深疑惑
皆問持經者	時持經菩薩	咸皆爲開演
疑網悉已除	菩薩智無盡	愛樂此經故
能速近菩提	如是真佛子	護持秘密藏

持此陀羅尼	衆生咸敬念	諸佛共稱揚
名聞十方界	由持此經故	臨欲命終時
見八十億佛	伸手俱携接	咸作如是言
汝當往我刹	由誦持此經	現受如斯福
若百千億劫	造罪當應受	誦此陀羅尼
一月皆清淨	菩薩億劫中	勤習諸功德
一月誦此經	其福超於彼	善念慧精進
三昧陀羅尼	經故常現前	乃至如來地
三界諸衆生	一時盡爲魔	誦持此經故
悉無能障礙	此經中解釋	一切諸法門

而說一切智 因是成正覺 我因聞是經
然燈授我記 記言汝成佛 解脫諸眾生
彼時見諸佛 其數如恒沙 聞諸佛說法
皆悉能解了 若欲得受持 諸佛所說法
勤修學此經 速成如是力 殊勝莊嚴刹
英六 大會諸聖眾 光相及妙族 皆從此經得
若人經七日 諦思惟是經 八十億諸佛
為說如斯法 邪思慎莫思 不應思勿思
以智當正思 速得此經典 勤修此法門
勿懼菩提遠 如人至寶洲 隨意採眾寶

若持陀羅尼 莫言無善報 具足人天樂
近佛道非難 若願速成佛 應持是經典
畢竟定當得 無上大菩提
佛告舍利弗 若菩薩成就四法 必定當得此
陀羅尼 何等為四 一者不樂愛欲 二者不生
嫉妬 三者於諸眾生能捨一切 無有恚惱 四
者晝夜歡悅 深樂求法 舍利弗 菩薩成就如
是四法 得此陀羅尼
復次 舍利弗 若菩薩成就四法 得此陀羅尼
何等為四 一者住寂阿蘭若 行二者悟入甚

深法忍三者不樂名聞利養四者能捨所愛之物乃至身命菩薩成就如是四法得此陀羅尼

復次舍利弗若菩薩成就四法得此陀羅尼何等爲四所謂入於八字之義云何八字一

共六

三十三

者跋字是第一義一切諸法無我入義二者擺字入於如來無生法身以非明照集智資糧無所入相以無生相而爲色身以無盡相而爲色蘊入義三者麼字智慧愚癡法作同類入義四者舸字分別業報亦無業報入義

五者闍字悟生老病死不生不滅入義六者馱字悟陀羅尼法體空無相無願寂如涅槃開解入義七者賒切除可字奢摩他住寂定相鞞鉢舍那正見諸法相如何而得住於寂定宜當精勤晝夜無間觀佛形像不應取相當念鞞鉢舍那以慧正見若行者見佛而觀將爲真佛應作是念此所見佛從何方來東西南北四維上下方所來耶若將此佛是人所造應作是念此佛爲是泥木作耶爲復金銀銅鐵所作如是觀已知所見佛但由我於精

舍之中觀佛形像晝夜憶念是故佛形常現
目前由是當知我常見聞一切諸法將爲實
者皆從自心憶念而起即是修行菩薩第一
溫習不住定乃至歡喜地位

云何觀佛形像亦住勝義諦門當作是念我
今所見佛之形像非佛所有種類之相此但
是我現在觀察像因緣故見佛形像得入定
中類知一切諸法亦復如是以是義故見佛
形像不應總無當知餘字與一切法無有差
別皆同法門入義八者又字諸法皆空不生

不滅何以故悟解諸法本來空寂自性涅槃
入義是八字義如是受持隨何方所有是經
卷者應當尊重恭敬供養半月半月讀誦演
說若見誦習此經典者稱揚勸進舍利弗若
有修行菩薩修此四法得是陀羅尼

美六

二十四

大乘修行菩薩行門諸經要集卷下

